

# *MBOBUTI MBWE*

## *KONZYA KUZUNDA?*



Atu kotamike mitwe yesu ku mupailo.

Taata wesu, twa Ku lumba, cifumo cino, ku ciindi eci cilemu ca kuboola antoomwe alubo, a kujula Ijwi lya Mwami, ku Li bikka awa kumbele lyesu. Elyo—elyo a mupailo lino, kuti Muuya Uusalala uyo bweza oyo uuli ngu Leza, alimwi uyo Uvuna kuli ndiswe, kuti tu konzye kusiya busena obu bwa kukombela sunu a myoyo ikkomene izwide lutangalo. Kubona nguzu Zyako zipati zya lwaanguluko, Mwami, obo mbo cigwasya baange a ku kwaangulula, kuzibisigwa kuli ndiswe “zintu zya kaliko, alimwi ezyo ziliko, a ziyo boola.” Elyo twa Ku lumba buyo ku zintu ezi.

<sup>2</sup> Twa komba kuti Uyo tulongezya mbuli mbo tu langalanga Ijwi Lyako lino antoomwe. Elyo cindi twa zwa, akube kuti caambidwe mu myoyo yesu, mbuli mbo tweenda antoomwe mu nzila, “Myoyo yesu ilapya muli ndiswe mbuli Nguwe, Muuya Uusalala, kaambaula kuli ndiswe kuciindi notwakali mu nzila.”

<sup>3</sup> Longezya bakutausi boonse sunu, masena oonse, balanda Bako abo baiminina Eci, Bwini Bwako. Koingula mipailo yabo nkambo ka balwazi. Koponya mibili iicisidwe ya baabo bacisidwe.

<sup>4</sup> Mwami, inga twa lomba kuti Uyo zwa akati ka bantu a kuyandaula eyo mbutu yakakanzwa kubusena kuya, Mwami, a kuzileta koonse, mu nzila imwi, cakuti Mumuni uyo wida mu kazila, Mwami. Nkambo, tula syoma kuti oora liya bumana, zuba lili mukubbila cakubinda kumbo, mpawo ciyooba cakufwambaana kuti “ciindi tacikabi limbi.” Ciindi a Butamani ziyo sangana antoomwe cindi Leza a bantu Bakwe baakusangana antoomwe. Elyo twa komba, Leza, kuti, ku ciindi eco, kuti tuyo balwa akati ka baabo bayo njila muli Kristo, abo bategwa Nabwiinga Wakwe.

Kotu gwasya, sunu, mbuli mbotu libambila, mukutaziba eco juunza nco luyo jatilila, pele tuli libambilide kutambula cintu cili coonse, Mwami, kuciimo mbuli mbo tuzi, kuti Uli jisi kuli ndiswe. Tuli libambilide ku citambula. Twa lomba cilongezyo eci ku bulemu bwa Leza, mu Zina lya Jesu Kristo. Amen.

Inga mwa kkala.

<sup>5</sup> Nda kali kkomene ncobeni, cifumo cino, cindi Ne kanjila mu a kubona kuti i—i bantu babungana antoomwe ku mulimo wa Mwami. Alimwi tupa kwaambilizya lino kwa sunumasiku. Kuyooaba kuswaangana kwa kuponesegwa sunumasiku. Tuno

kombela balwazi, sunumasiku. Ziindi buyo zisyoonto zyainda, ba . . .

<sup>6</sup> Mbuli Mbwe njila, Billy, mwana wangu, wa ndaambila, wati, “Kuli i—i mulombwana awa, oyo muntu buyo utakweankwaya waka tandwa kuzwa ku musinzo mulamfu.” Elyo kati, “Nda—Nda mubikka mu kaanda, Bataata.”

<sup>7</sup> Nda—Nda muka masiku ainda, alimwi—alimwi nse langalanga maningi aa ciiyo ca kwiiya Munsondo eco Nce kali kuyo ambaula, cifumo cino. Aboobo Nda kabweza bulembo bumwi buniini obo Mbwe kabweza kuzwa kuli ceeco Nce kamvwa mukwesu umwi kaamba, a kuzwa ku cibalo eco, kubaanga nkuba a ciiyo cakwiiya Munsondo cifumo cino; elyo kuciindi notu libambila, a kulibambila ku kuswaangana kwa ku mangolezya.

<sup>8</sup> Elyo Billy wakati, “Kuli mwaalumi omuya oyo ucisidwe.” Kati, “Ndi—Ndi—Ndi lombozya kuti wazaana a ku mubona.” Aboobo, Nda kanjila mu kaanda ndyoonya lino. Elyo mukwesu kutandila musela wangu, a mukaintu wakwe, kakkede omuya. Elyo Muuya Uusalala waka seluka akati kesu mu kaanda ndyoonya lino.

<sup>9</sup> Amuyeeye buyo, kwaamba buyo zya mulimo wakuponya, elyo ngooyo Mbwa kabede. Mwabona? Elyo Wa kaambila mukwesu oyu kujatikizya eco nca kacita, a ceeco ncali kucita, a ceeco caka pesya penzi lyakwe, elyo oko nkwa kazwida, a zyoonse zya nguwe. Elyo kwakali cimvule cipati cisiya cakali kulengelela mu kaanda. Mpawo caka talika ku balama, ku balama, a ku balama, mpawo Muuya Uusalala wakajata.

<sup>10</sup> Lino, Ndi yeeya kuti mwaalumi uli mu i . . . kubusena bumwi kusule awa lino. Walo a mukaintu wakwe ambweni taba konzyi kunjila mu buyake, pele ba kati bayo kkala, nekuba, ku mulimo. Ba kazwa kutala kuzunguluka, muni lya Yuba, Washington, a kunjila. Elyo walo mukutausi wa Makanimabotu.

Pele kubona buyo luzyalo lwa—lwa Leza okuya! Oko, mwaalumi wakali mu kabunga ka basondokede alimwi waka jisi busi a zintu zyoonse. I Muuya Uusalala kuyubununa eci coonse. Kakuli, bamaddokotela kabasola canguzu kucita zintuzyonse nzoba konzya, antela, nkambo ka muntu, pele kulibonya kuti kugumwa kumw kusyoonto kuzwa kuli Leza, ku kuvundumuna kufuta kuyosa kwa meenda. Kusilikwa kulebuka kuli kabotu, pele musyobo mbuli ngo tunga twaita kuti “sikudubula mu mudima,” nywebo mulizi. Yebo, inga cakubamba kwiindila kubija, mwabona, nkaambo inga waluba zintuzyonse nzo kasola kuziba, cindi niba kabikka musamu oyo muli nduwe. Pele Mwami Leza, obo luzyalo a luse Lwakwe! Elyo akwalo Nke tana sola kutuula ijwi lya mupailo nkambo ka nguwe, lya kamana kale. Mwabona? Ca kabweza buyo cintucimwi eco ca Leza, oko kugumwa kumwi, ku cicita.

Ta ndeedede kwaamba eci. Inzya. Inga nda langa koonse, kubona mwaalumi eno. Ee, Ta ndizi naa inga wacicita sunu, na pe.

<sup>11</sup> Kumusanza mu cisi oko Nkwe kakkede, mvwiki eyi. Nda—Nda—Nda bayanda beenzuma kunselelo okuya. Nkupumuna aniini kakutanaba miswaangano eyi mipati, nywebo mwabona. Elyo Nda boola ku ng'anda, kwiinka kunselelo okuya a kuunka kubusena kuyo vwima basikaale a bakwesu aba. Elyo mukwasyi oyu, mikwasyi, mubwini, kuti Nda kkala a cuuno kuya, mbantu babotu ncobeni. Elyo mwaalumi, mukwesu wini, beenzuma; mbo babede.

Elyo umwi wabo ngu sikuyanda mupati wa—wa kuvwima babwa. Elyo ujisi peeni kaizwide mbabo kutala kuya. Alimwi—alimwi Nda kabona mubwa muniini mubotu maningi kunselelo, cintu ciniini, cakali eco Nce kaita obo, “cisela ca mubwa kulampa a babwa bobilo kulampa,” nywebo mulizi, oko—oko kwakali kuzusaana kuzunguluka ng'anda okuya. Elyo Nda kayeeya, “Ma, sa Joe nata kayanda kuba a cintucimwi mbuli ceeco!”

<sup>12</sup> Elyo, mubwini, omuya mu Arizona, takali kukonzya kumu belesya. Wa kali kunga wanjila mu ziyasabavwimi, alimwi ayo akali magolelo akwe. Aboobo mpawo Nda kati, ambebo, “To konzyi kuba a ncico. Taba belesyi babwa omuya, mu cibeela eco ca cisi. Nkaambo, balo, ee, tiiba kakonzya ncobeni kuba belesya. Ba kali kunga . . . abalo, bube bwaciindi, i—i ciimo ca cisi a ziyasabamwimi, elyo bakali kunga ba jaigwa.” Alimwi mpawo mubwam wini okuya, ii—ii umpe, na cintucimwi cinga camujaya, antela, nekuba, ikuti na waunka kubusena.

<sup>13</sup> Aboobo mpawo oyu mwaalumi waka ndaambila kuti, “Inga wamutambula buyo.” Pele Nse—Nse konzya kumu bweza. Nda—Nda kalumba. Kaboola kujana kuti, wakali umwi wa babwa bakwe bayandwa.

<sup>14</sup> Elyo mwaalumi oyu ujisi mukaintu muniini mubotu a bana baniini. Elyo buzuba bumwi, wa katalika kuleka muzeezo a mootokala wakwe, alimwi waka jisi oyu mootokala wa Oldsmobile. Elyo mubwa muniini utandila buyo kulampa *boobo*, beendelezegwa buyo. Elyo waa kazuzo nkoonya kugama nguwe. Oyo Oldsmobile uleenda ku munkala muniini, kusule lyawo *awa*, a kumu pwanda, oko mabwe mu mugwagwa wakuli bambila nkowa kaselemuka kulyata da lyakwe liniini anselelo awa, nywebo mulizi. Elyo—elyo mukaindi muniini, mubusena bwa kutola munkala muniini ku cibbadela cababwa . . . Mubwin, cibbadela cababwa niba ka mooneka cakufwambaana mpawo, aku mujaya. Mwabona?

Kwakali mwaalumi umbi mukubusyi wakali a ndime. Elyo mbwa kasika buyo okuya, kati, “Ikuti na oyo wakali mubwa

wangu, ni Nda kamu dubula.” Kati, “Kwa mana. Kumulekela kupenga mbuli boobo?”

<sup>15</sup> Nda kati, “Ee, tu tamudubuli.” Nda kati, “Atu lindile aniini.”

Kagwisya bantu bonse, akuunka kuyo mupailila. Munkala muniini wakandi tobela mane ku kkota. Elyo walo, iyyi, wa. . . Mwabona? “Kufumbwa zintu nzo muyanda, cindi mwa komba, amusyome kuti mwa citambula; muyo citambula, aku pa kuli ndinywe.” “Kufumbwa zintu.” Oyo Mwami wesu Leza, embo na? Walo—Walo ula gambya a mubotuloko. Elyo tula Mu yanda ncobeni, cifumo cino; aku Mu langila, a kuziba. . .

<sup>16</sup> Kabona, buzuba bumwi, ii—ii banabukwetene bakaindi, wisi a banyina bamembala babotu loko ku bunga eyi—eyi ya basyomi. Elyo mutumbu mbwabede, oh, Ndi yeeyela kuti uli muni ku mwaanda, a bataata mbobabede, abalo. Elyo kutandila myaka ili kkumi ayobilo oyu mwaalumi tana kweenda; usalame buyo, kalede buyo cigaminina. Na, takonzyi kulala ku lubazu lwakwe, na cintu. Kalede awo kwa myaka ili kkumi aibili. Kukomena buyo kwa kaindi. Elyo banyina lino batandila ku kukomena kwakwe, Nda yeeyela, kubusena bumwi muni ku mwaanda, a muntu mucete wakaindi utandila kusweekelwa kulijata kwa kuyeeya kwakwe. Walo uyeeya kuti muntuumwi uli mukutola zyoonse nzya jisi.

Elyo Nda kalanga i. . . atala lya tafule, ali ndiswe toonse, bakubusyi a bapati, kabakkede awo. Elyo Nda kati, “Nkokuli nko tuya? Ino tu cita nzi?” Elyo mulindu oyo Ngwe kali kukkala awe mpawo, oyo wakali banyina a bawisi. Elyo Nda kati, “Yebo uunka nzila eyo, awalo. Mbombubo, umwi aumwi wesu.” Mwabona?

<sup>17</sup> Amu ciyeeye buyo, aniini buyo, katutana talika ciiyo cesu. Mpe mpawo mpo muya. Ino ulwaizya nzi? Aboobo ula konzya kupona. Ino uponena nzi? Aboobo ula konzya kufwa. Sa inga tii caba ca bufubafuba maningi ikuti na tii twa katambula bubambe bwa Leza ku Buumi Butamani? Ncinzi neo tu konzya kuyeeya? Ncinzi—ncinzi cikonzya kuba mu mizeezo yesu, eco cinga cakwelelezya kumvwa kwesu kuzwa. . . ku cintu cili coonse? Ino kuti wa kajisi madollar ali mamilioni ali mwaanda, alimwi wa kajisi cisi ca—ca Indiana, na kufumbwa cisi cimbi, na akwalo cisi, na, kuciimo eco cilanganisigwa, inyika mboizulwa?

Ula pona kwa ciindi cilamfu, weelede kuboala kuli ceeco, ayebo. Mwabona? Elyo cakuzumanana, buzuba a buzuba, ziindi zyoonse moyo wako ula duntaana, uya kugama nkoonya kuli ceeco. Mwabona? Yebo, kwiina kuli janina kuli nduwe. Uli ku lubazu lwa kuzundwa, alimwi, yebo, yebo weelede kusweekelwa. Pele amuyeeye cisyomezyo, kuti, “Oyo uyo sweekelwa buumi bwakwe nkambo ka Ndime uyo bujana.” Lino, ino ndukono nzi lumbi lukonzya kujanwa kunze lya Buumi, nekubakuti wajana nyika yoonse kuba yako? Pele, ikuti na mwa—ikuti na mwajana

Buumi, mwa kajana cintu cipati maningi eco cakali kukonzya kujanwa. Ndi yanda ku. . .

<sup>18</sup> Kalanga kulumwensi lwangu a kubona alubo, ndyoonya lino, cilumbo cimbi ca luzyalo lwa Mwami. Kutandila mvwiki zisyoonto zyainda, Nda kaitwa ku fooni. Elyo membala mubotu wa mbungano eyi, na mubili oyu. . . Ta ndiyandi kwiita eci kunji mbuli mbungano. Ndi—Ndi yanda kwiita eci, kuti. . .

Mbuli Mbwe kali kwaambaula ku bantu bamwi, ba kati, “Ee, ino uzulilwa ku mbungano nzi?”

Nda kati, “Nse zulilwi. . .”

“Uzu lilwa ku kabungwe nzi?”

Nda kati, “Taakwe.”

Kati, “Ee, ino uzulilwa kunzi?”

Nda kati, “Ii Bwami.”

<sup>19</sup> Ii Bwami! “Elyo ku Muuya omwe tula bbigwa mu Bwami obo.” Ku Muuya omwe, boonse, mu Bwami obu! Jesu wakati, “Amukombe, ‘Bwami Bwako buboole. Luyando lwako lucitwe aa nyika, mbuli mbo luli ku Julu.’” Lino, Wa kaima buzuba bumwi kumbele lya Mulundu wa Kusanduka, Wa kati, “Ncobeni Nda mwaambila, kuti bamwi baime awa, taba kalabili lufu, kusikila bakabone Bwami kabunjila mu nguzu.” Cakatondezegwa kunembo, mbuli mbo twa kainda muli ncico, Mulundu wa Kusandulwa. Elyo Bbaibbele lyakati, “I Bwami bwa Leza buli muli ndinywe.” Aboobo, aba mbantu ba Bwami abo balitaminina kuti oyu tauli muunzi wabo. Oyu tauli muunzi wesu. Tu langila Kuboola kwa Mwaami, kwa kabamba Bwami.

<sup>20</sup> Nda kaitwa ku kaambo ka cibukilambuta, ka i—i mudaala oyo wakali mbuli wisi kuli ndime. Elyo wa. . . Nse kamuzi kwa ciindi cilamfu, pele Nda yeeya buzuba obo Mbwe kamutola omuno ku lubbizyo lwa maanzi. Elyo muntu uyooba a myaka ya makumi ali fuka aumwi yakukomena. Elyo mukaintu wakwe mubotu waka nditumina, a walo mukuba narsi, kati, “Wa kajisi kukakilwa kwa moyo kumaninide.” Kunze lya ceeco, wa kajisi. . . Oh, Nda ita. . . konzyi kwiita zina. Kulwanwa kwa moyo. [Ii mucizi waamba, “Colvin.”—Mul.] Kulwanwa kansinga zya kumoyo. Nda lumba. Kulwana kwansinga zya kumoyo, akukakilwa kwamoyo kumaninide. Dokotela takapa bulangizi, pee. Elyo muntu wakali kufwa, nkabela wa kandiitila.

<sup>21</sup> Elyo Nda kanjila mu Fordi yangu niini yakaindi, a kutalika kutanta mugwagwa ku Ohio, canguzu mbuli Mbwe kali kukonzya, nkabela nse kazyi, limwi lya mavwili angu lyakazwa mu bweende, kasomona tayela kuzwa kuli njiyo. Elyo aboobo mpawo, mebo nketanta kutala okuya, kuzwa mu kubikkilwa mingwimba, kutandila ileveni okuloko, Nda kalibilika kujatikizya nguwe, Nda—Nda muyanda. Elyo Ndi lizi, ikuti—ikuti na cazumanana, Mwami alindila, baa,

cakufwambaana loko na kwainda ciindi, tuyo elela kupa umwi aumwi.

<sup>22</sup> Pele, eco ta ciko nyonganya Kukwempwa, lino. Mwabona? Peepe. Ba kasika lutaanzi, mpawo. Balo bala coolwe, eco cakazumanana. Ba kasika lutaanzi. Mwabona? Mwabona? “Swebo to baumi a basyeede, ku Kuboola kwa Mwami, tatu kakasinkili na kusinkila abo boona. I mweembo wa Leza uyo lila; bafwide muli Kristo bayo buka lutaanzi. Mpawo cindi meso esu abona bayandwa besu, mpawo tuyo cincwa, mu kaindi kaniini, mu kulaba kwa liso, alimwi ambabo bayo kwempwa antoomwe.” Mwabona? Bamwi baunka lutaanzi bala coolwe kwinda baabo bapona.

<sup>23</sup> Mbuli mbo Nda kazwida mu sitieshini, a ileveni okuloko buyo, Muuya Uusalala wakati kuli ndime, “Uta pengi kujatikizya nguwe. Uyo sukana janza lyakwe, mu kagwagwa alubo, nkabela uyo boola mu mbungano,” mudaala wa myaka ili makumi ali fuka aumwi yakukomena, kafwa.

Cindi Ne kaswaanganya mukaintu wakwe a bayandwa bakwe mu cibbadela ku Lima, baka ndaambila kujatikizya ciimo cakwe. Kanjila, kamulanga omuya. Wa kati, “Pele ncintucimwi ceenzu.” Kati, “Wa—wa katalika kucinca kabotu loko, aa ileveni okuloko.” Ee, elyo Nda kali kunga. . . I Mwami waka batondezya bantu zintu zinji loko, ba lizi kuti Nse kaamba ceeco buyo. Nkaambo, ba kacaamba kuli ndime lutaanzi, “Wa katalika kucinca.” Ba kalizi kuti inga Nda baambila bwini.

<sup>24</sup> Aboobo, Munsondo yainda, mbuli mbo Nda kali kuunka mu Blue Boar Cafeteria mu Louisville, oko Nkwe yeeya kutandila peseenti ili eite ya mbunga eyi ibungana Munsondo masikati, ku kulya, nguni Ngwe kabona kaselemuka kagwagwa? Nda mwaambila, moyo wangu wakabimba cindi Ne kabona Mukwesu wesu Dauch kaselemuka kagwagwa, mbubonya eco Nca ka ndaambila. Nda kasukana janza lyakwe, aa i—aa kagwagwa.

<sup>25</sup> Mpawo Nda—Nda jokela kuno masiku Munsondo yainda a kukanana aa ciiyo ca lukamantano, lya *I Kukamantana Kwa Citondezyo ca Ciindi*. Aboobo. . . Elyo mpawo eco cakaleta ceeco kucitika, eco buyo Nca kaamba. Elyo ngooyu uli kkede mu mbungano sunu, mpoonya awa muni lyesu, mbuli cilumbo ca luzyalo lwa Leza. Cindi kusukana janza lyakwe kuni lya tente, okusijini tenti wa kali kuni, Nda kati, “Mukwesu Dauch, uyooba kabotu. Njo kubona mu mbungano alubo. Kutu, ngu MBUBOBU MBWAAMBA I MWAMI.” Mwabona? Ngooyu uli kkede mu mbungano, mpoonya awa lino, Mukwesu Dauch.

<sup>26</sup> Ikuti na Nse lubizya, mukutausi Ngweli kwaambaula, ziindi zisyoonto zyainda, i Muuya Uusalala waka njila a kuyubununa zintu ezi zyoonse; kamwaambila nzila mbo cakacitika, a kumwaambila eco nca kacita; nzila mbo cakacitika, nzila mbo cakacitika, zyoonse zyakali kucitika kuzwa ciindi eco, akwalo

ku ciimo ca mukwasyi wakwe, a koonse kujatikizya ceeco. Elyo waka mwaambila, kuti, “Ca mana.” Elyo mukutausi uli kkede mpoonya awa, ku janza lyalulyo. Sa inga watambika buyo janza lyako, munene? Ngooyo, walo a mukaintu wakwe, mbombubo, ndyoonya lino.

Ngooyu ulikkede Mukwesu Dauch ukkede, mpoonya awa lino. Oh, ma!

<sup>27</sup> Sena Tali mubotuloko? “Ezyo zintu zyakaliko, ziliko, alimwi ziyo boola kucitika.” Bomwe, bakamboni bobilo botatwe. “I zintu zyakaliko, ezyo nzo kacita; zintu zili mukucitika eno; a zintu ziyo citika.” Elyo ciindi conse, mbubonya, mbubonya aa Ijwi. Oyo ngu Leza luzutu uukonzya kucita eco. Oh! Sa ta tukkomene maningi ku zintu ezi?

<sup>28</sup> Lino, kaambo nce Nda kali kutola ciindi buyo cisyoono, Billy wakacita kuunka kuyo leta mukaintu wakwe a muvwanda. Elyo wa kati, “Taata, uta taliki kukambauka mane Nka joke.” Aboobo, Ndi—Ndi yeeya kuti uli kusule eno. Elyo Nde elede kuba a ciindi cinji boobo, nekuba. Elyo ndi sola kutantamuka ku maora aya one akuminwa Nge mubikka kungsi awa, a kucibamba maminiti ali makumi otatwe aosanwe, makumi one, nywebo mwabona, a kusola ku cibamba.

<sup>29</sup> Lino, Nda kali kwaamba ciindi cimwi mu Chicago. Nda cijana mu kaindi kaniini kali makumi otatwe, na cintu cimwi, maminiti aali makumi otatwe aosanwe. Elyo Munsondo yainda masiku akali buyo maminiti ali makumi one aosanwe. Billy wa kaamba, “Uli muku teelega ncobeni, taata. Ndi baanga ndabotelwa, kuli eco.”

<sup>30</sup> Ee, ndiza, cifumo cino, ku cibamba cikozyanyo ciniini ca kwiya Munsondo, Nse kamujata kwa ciindi cilamfu. Mpawo inga waunka kubusena a kuba a cisusulo cako, a kukomba, a kujoka sunu masiku ku miswaangano ya kuponesegwa. Tuyo panga mundando wa mipailo sunumasiku a kukombela balwazi.

<sup>31</sup> Lino, ikuti na mulizi bantu bamwi koonse, kuli koonse, abo bacisidwe alimwi bayanda kukombelwa, amu balete awa sunumasiku. Mwabona? Ikuti na weelede kubaleta, kufumbwa nzila, kobaleta okuno. Mwabona? Eco nce cintu cipati, ncakuti, balete okuno sunumasiku. Toonse tula swaangana antoomwe. Nzila eyo...Nciyumu kubamba kwiitwa, kuya kubusena a busena; mpawo wazwa ku muntuumwi, nkabela kuli kulimvwa kwanguzu. Pele ikuti na Nda konzya kuba bikka boonse mu busena bomwe, mpawo inga Nda bakombela. Lino, ikuti na uyo...Ikuti na bantu bayanda kukombelwa, ba...Nywebo mwati, “Sa bayo cita?” Oh, nincobeni. Bayo kombelwa. Amu banjizye. I Mwami nawayanda, tu nooli kokuno, ku kombela bantubonse. Nkaambo, Ndi limvwa kuti oko kukwelwa kwatatu katalika kweenda, nywebo mwabona, a—mukati kangu. Elyo Ndi—Ndi—Ndi yanda kukombela bantubonse.

<sup>32</sup> Lino atu jule, cifumo cino ku Lugwalo lwa kaindi luzizilwe oko nko Ndi baanga nku bweza kubinda masiku ainda, mu koono nconzyo, a kulemba magwalo masyoonto abulembo kwiinka ancico. Elyo kubweza musyobo wa kulumbaizya. Nda kamvwa mukwesu umwi, lomwe, belesya cibalo eci. Elyo Nda kayeeya. . . Nda cilemba aa mapepa. Nda kayeeya, “Ee, Nda syoma Ndiyolemba lemba eco aa mapepa, nkaambo inga caboola mu nzila nteteete.”

Ziindi zinji tula cita eco. Nda bona, bunji bwanu awa, muli jisi kabeela ka pepa. Elyo mukutausi inga waamba cintucimwi, elyo mpawo uyo—uyo uma kaambo ako, cintucimwi cियो uma mukati kako. Elyo mpawo ikuti na Muuya Uusalala ucita ceeco, mpawo uyo talika kuyaka kuzwa ku busena obo mbubonya mpoonya awo, mulumbe wa Mwami. Elyo eco cili kabotu. Nda kabona mu miswaangano, kufumbwa nkounka, bakambausi buyo a bantu kulemba. Eco cili kabotu. Tuli—tuli waano, nke kaambo nco tuli kokuno, kusola kugwasya umwi aumwi mu migwagwa eyi.

<sup>33</sup> Elyo lino atu jule ku Ciyubunuzyo, cipati ca 3, ku makkalo aa mbungano, kuloolola bukkalo bwa mbungano. Pele lino tuli. . . tu. . . okuya. Inzya. Nda kali kukonzya kubweza cibalo eci comwe, alimwi a Muuya Uusalala, ku kambauka aali Ncico kwa myaka iili mwaanda alimwi kuta jana eco cili muli Ncico. Nkaambo, mu cibalo eci comwe, mbuli zibalo zyoonse zimbi zya Bbaibbele, Zili swaangene zyoonse antoomwe.

Elyo Ndi yanda kubweza cियो cangu, cifumo cino, ca ceeci: *Mbobuti Mbwe konzya Kuzunda?* Lino, Nda sala eci nkaambo kakuti Ndi yeeya kuti nciindi eco nco tweeledede kulekela Muuya wa lubukulusyolo kufwa. Twe elede kuzumanana mu lubukulusyolo, cakuzumanana kubukulusyolo, buzuba abumwi. Paulo wakati wa keelede “kufwa lyoonse, kutegwa Kristo akonzye kupona.” Elyo ta tweeledede kulekela lubukulusyolo olo kufwa, mukati kesu.

Lino, Ciyubunuzyo, cipati 3, a kutalikila kampango ka 21, tula bala eci.

*Kuli oyo uzunda Njo pa ku kkala a ndime mu cuuno cangu cabwami, akwalo mbuli Mbwe. . . kazunda, a kukkala a Taata wangu mu cuuno cakwe cabwami.*

*Oyo walo ujisi matwi, amvwe eco Muuya nco waambila mabungano.*

<sup>34</sup> Sena mwakabona i—i kulibambila kwa ceeco? Mwabona? “Kakkala a Ndime mu cuuno Cangu cabwami,” kutali “aa cuuno Cangu cabwami.” “Mu cuuno Cangu cabwami,” omo mu bulelo Bwakwe. Mwabona? Elyo okuya, mbuli—mbuli Kristo mbwali Mweendelezi, Mweendelezi wa cuuno cabwami ku ciindi eci, wa bulelo bumaninide bwa Leza, mbubonya Mbungano mboi yooba a Nguwe, Nabwiinga abe a Nguwe, mu cuuno Cakwe cabwami, mu bulelo boonse. Mwabona? Kutali “aa cuuno Cangu



cabwami,” pele “*mu* cuuno Cangu cabwami,” mwabona, oko kucita Kwakwe kwakusika. Cuuno cabwami cili ku bulelo, alimwi—alimwi bulelo busika buyo kulaale mbuli minyinza mboi cita. Elyo oku nkuzwa ku Butamani kusikaku Butamani. Amu ciyeeye buyo!

<sup>35</sup> Lino, mbuli mbo tulangalanga eci, bukanze bwangu bwa ceeci ta bweelede kuboola okuno ku—ku luswaanano a ndinywe nobantu. Kwalo, Nda yanda kucita ceeco. Pele ikuti—ikuti ni Ndali jisi ciindi cakucita ceeco, inga Nda boola ku ng’anda yako, a kusukana janza lyako a kwaambaula a nduwe, a kukkala, kulya cisusulo andinywe; a kukkala, kungsi lya cimvule ca samu, a kwaambaula akuba aluswaanano aniini.

Pele cindi twa boola okuno, tuli kokuno ku bukanze bomwe bugaminina. Eyi ni ng’anda ya kululamikwa. Eci ncuuno cabwami. Eci ncuuno cabwami ica Leza, a lubeta zilazwa ku ng’anda ya Leza. Elyo mpaawa mpo tu boola antoomwe, kubungana mu luyandisyo, kuli umwi aumwi, mbuli Banakristo biyo mbo bakonzya kuyanda. Pele, omuno, tuli—tuli kungsi lya ii—ii—ii—ii busololi bwa Muuya Uusalala. I Muuya Uusalala uli akati kesu. Alimwi tuli waano ku... kuzumina akati kesu, kubona awo masena esu mpa bulide, a kulubizya kwesu, a nzila mbo tukonzya kujata kuzwa awo mpo tweelede kuba, kusika awo mpo tweelede kuba lino; awo mpo tubede, a waawo mpo tweelede kuba. Elyo nce ncico ncotu langalanga. Bakutausi bala langalanga masena ayo, ku bantu babo. Cindi babona bantu, babulide, mpawo bala talika ali eco.

<sup>36</sup> Lino, cakufwambaana, Ndi yeeya kuti mbungano ndiza yeelede kutola buyo ntaamo niini mujulu maningi ku ciindi eci. Ta ndi yandani kucicita cifumo cino, ca kutondezya zintu ezi. Pele Ndi—Ndi yeeya kuti, mufwaafwi, Mwami nawayanda, katutana kukambauka aa Myeembo eyo, Ndi yanda ku—ku—ku leta Mbungano cintucimwi buyo eco—eco nco mweelede kuziba, Nda syoma, lino.

<sup>37</sup> Elyo lino tu kanana ali ceeci, “kuyabuzunda.” I bbala *kuzunda*, mubwini, nywebo mulizi eco nco lyaamba. We elede kuba a cintucimwi cakuzunda. Elyo obu bukkalo bwa mbungano obo Muuya Uusalala mbo wakali kukanana kujatikizya awa, ku Bukkalo bwa Mbungano ya Laodikeya, mbuli mbo twa kazwa kwindi muli mbubo, kayandikana kutapatilwa. Laodikeya yaka tapatilwa, nkaambo ka ntalisyo yayo—yaandeene kuli Kristo. Ya kabikka Kristo aanze, mu—mu bukkalo bwabo. Elyo Kristo wakali aanze, kasola kujoka mukati. Olo nduyandisyo. Nakamana kubikkwa kuzwa mu ng’anda Yakwe Mwini, wakali kusola kujoka mukati, a kwaamba, “Oyo uyo jula mulyango, Njo njila muli nguwe.” Mwabona? I mbungano, lwayo, muli yoonse, yaka Mu tandila anze.

38 Pele lino amubone. Kwitwa kwakwe okuno takuli ku mbungano buyo. “Oyo uuzunda.” Mwabona? Kutali mbungano; eyo inga yaba yalo, mwabona, mubili wa mbungano. Pele “oyo uuzunda,” mugame uyo zunda, lino.

39 Elyo Laodikeya yaka cijisi kuboola kuli nguwe. Lino tula bona, mpawo, mukuziba kuti obu Mbukkalo bwa Laodikeya, a kuziba kuti obu bukkalo buyandika buyoosya kuzwa kuli Leza. Bu yandikana kutapatilwa kukali. Elyo cindi bapaizi besu bateta a kubatama loko, mbuli syanene umwi mudaala ku bazukulu bakwe, kufumbwa eco ncoba cita zili londokede. Elyo bali . . .

40 Kwa kaambwa maningi, kuti Leza ngu Leza mubotu boobu, kusikila basola kubamba Leza kuba buyo syaanene mupati. Nywebo mwabona? Pele Tali boobo. Ngu Taata, a Taata wa bululami, wa kululamikwa. Alimwi luyandisyo lyoonse ndwa kululamika. Mwabona? Luyandisyo lula lulamika. Takukwe makani obo mbo luyoosya, luci lulamika.

Ii mutumbu wini uyo lulamika bana bakwe. Ii taata wini uyo lulamika. Mwabona? Ikuti na waliiba buyo mu buteteete a ku cilekela . . .

41 Nda kali kukosola citanda cakaindi buzuba bumwi, kunselelo i-i kusamba, na eco citegwa dindi. Elyo Nda kasotokela aa citanda eci. Aanze, cakali kuboneka kabotu, kaboneka mbuli citanda cipati cakaindi ca inch. Pele cindi ni Nda kasotokela ali ncico, oh, cikoto cipati ca ncico cakawa. Ya kali boledede loko a mugodi. Nda kati, “Eyo nje nzila Banakristo mbobali mukuba.” Ba kafwa mu zibi a nsotoko, kwa ciindi cilamfu, mane kuba katu kaniini loko. Taba konzyi kutoma, pee. Ta-ta bazyi eco cicilila nco caamba. Elyo Nda katalika kuyeeya cibalo eci, mpawo. Kukoma, kobamba Buumi muli nduwe. Cindi buumi bwa kazwa, eco nce cakaleta citanda ku ciimo eco. Mwabona? Elyo caka cibamba kwiindila kubija lyonse cindi nicaka bikkwa mu mutabi awo maanzi mpa kabede.

42 Elyo mpawo, awo, wa bweza Munakristo, oyo weelede kuba Munakristo, lekela Buumi bwa Leza kuzwa kuli nguwe, a luzibo, lutangalo lwa kublekela Kristo; alimwi, kupona mu mbungano oko cili boobo nko cizumanana, uli boledede kububili, nkoonya, kupona kungsi nkoonya.

43 Aboobo, ikuti na tusola kutobela Mulumbe wa oora, na nokuceya cibeela eci ca Mulumbe, tweelede kupona cakuzumanana mu Buumi bwa Kristo. Mwabona? Nkaambo, ikuti na ta ciciti, ula vunda koonse, a kuziba kuti ezi zintu nzo elede kucita, a kuta cicita, i Bbaibbele lyakati, “Oyo uuzi kucita cibotu, alimwi ta ciciti, kuli nguwe ncibi.” Mpawo ulaba uubolede, kabolede, cindi waandanisigwa kuzwa ku Buumi bwa Leza. Aboobo, ku kakatilila a zyoonse zili muli nduwe, ku kkala mu Buumi bwa Kristo, kuti inga wazyala micelo.

44 Tula bona bukkalo obu mbo tuponamo. Bwalo mbumwi bwa makkalo mapati maningi aa makkalo oonse. Obu Bukkalo bwa Mbungano ya Laodikeya ngu bubotu maningi bwa makkalo oonse aa mbungano, nkambo nkugola kwa ciindi akusangana kwa Butamani. Elyo, mpawo, mbukkalo bupati maningi. Ngu cibi cinji mu bukkalo obu kwiinda mbo cakabede lyonse. Elyo inguzu zya Saatani ni—nziindi zinji loko zya kulwana kwiinda mbo kwakabede mu bukkalo buli boonse. Mwabona?

45 Awa, kaindi kuya mu makkalo mataanzi, Munakristo wakali kukonzya, ku kulitaminina kwakwe kwa kuba mbungano... kuzulilwa kuli Kristo, konzya kugonkwa mutwe nkambo kambubo. Wa kali kukonzya kujaigwa, a kusanga kuzwa ku kusampuka kwakwe, a kuunka kuyo swaana Leza, cakufwambaana.

Pele eno sinkondo waboola mukati, mu zina lya mbungano, alimwi cila cenga maningi. Obu mbukkalo bupati bwa lweeno. Cindi, Kristo wakaamba boobo, “I myuuya yobile iyo tandila kukozyanya loko mu mazuba aa mamanino mane kuyo cenga mbabonya Basale ikuti nicali kukonzeka.” Mwabona? Mwabona? Mwabona? Amuyeeye, Kristo wa kaamba bantu basale ku buzuba bwamamanino. Mwabona? “Ciyu cenga mbabonya Basale ikuti nicali kukonzeka.” Kutandila kukozyanya loko! bantu balapona kapati, bantu inga bapona buumi busalala, a bunjoloma; kutaba basizibi, basimamambe, a bakolwi, a babeji, basinjuka. Bala konzya kupona aatala lya ceeco, elyo nekubaboobo kabacili a Ncico.

46 Obu i—i bukkalo bwa Buumi, Buumi bwabugame ibwa Kristo, oko, i—i kkemikko ya Mubili Wakwe, eco cakali muli Nguwe.

Lutaanzi, kungsi lya kululamikwa, lubbizyo lwa maanzi. Cabili, kungsi lya Kuzyalwa kupya, kwa Wesley, kusalazigwa, oko kusalazya. Elyo catatu, kungsi lya lubapatizyo lwa Muuya Uusalala, kubikka cilongo cakasalazigwa mu mulimo. Mwabona? I bbala *kusalazya* lyaamba kuti, ndi bbala lyaci Griki lya bupanduluzi bunji elyo lyaamba “kusalazigwa a kubikkwa ambali ku mulimo,” bikka ambali ku mulimo. Lino Muuya Uusalala wacibikka mu mulimo. Mwabona?

47 Elyo tuyo ziba, “Cindi muuya mubi wazwa ku muntu, uleenda mu masena mayumu.” Obo mbombubo mbungano mboya cita, ba Baptisti, ba Methodisti, abo bakasyoma mu kusalazigwa. “Mpawo,” Jesu wakati, “muuya mubi oyo wakazwa, kubweeda ku mubili wa mbungano eyi akuna ng’anda kaibamidwe kabotu, kupyaangwa cakusalala, kupona cakunjoloma, maumi asalala.” Yaa. “Pele mpawo ikuti na eyo ng’anda tai zwide, akuba zintu, mpawo ula boola mukati a madaimona ambi mabi ali ciloba akubija kwinda mbwa kabede, elyo cibeela camamanino ca busena obu ziindi zili ciloba

kubija kwinda mbo cakabede ku busena butaanzi.” Ba kali kabotu kukkala bana Lutherani, kwiinda mbo cakeelede kuba kutambula Mumuni oyo a kukakilwa ku Li tobela. Mbubonya ba Pentekoste, mwabona, nywebo mulizi eco Nce wamba, ng’anda ili bambidwe kabotu.

<sup>48</sup> Mbuli mbo Nda kali kwaambaula ku muntu umwi, buzuba bumwi, kati, “Bali cenjede maningi, neiba nkamu zinji zya busalali, kutali kwiita Muuya Uusalala kuti, ‘Muuya Uusalala,’ nkaambo bala lizibya a ba Pentekoste cindi bacita eco. Ba lati, ‘Muuya Uusalala,’ mwabona, kutantamuka kwaamba kuti, ‘Muuya Uusalala.’” Nkaambo, bantu ba Pentekoste, banamaleya, ba Ci ita buyo eco Bbaibbele nco lyaamba, “Muuya Uusalala.” Uuli, Muuya Uusalala a Muuya Uusalala ncintu comwe. Pele bali cenjede maningi kujatikizya ncico. Ta bayandi kulizibya a bantu kwaambaula mu myaambo; nkabela oyo Muuya Uusalala, Mwini. Mwabona?

Ncinzi cakacitika mpawo? Cindi sinkondo, oyo wakazwa kungsi lya kusalazigwa, oyo waka sanzizigwa, kabweeda a kujana ng’anda kutali kuzuzigwa a Muuya Uusalala, lino ciimo ca mbungano cakaswaanganisigwa a—nsangano ya mabungano, a Kkansa Yanyika iya Mabungano. Elyo nciimo lino eco ciciswaanganya a Bunakatolika bwa Roma a zyoonse zimbi zyaco, alimwi lino nziindi zili ciloba kubija kwinda mbo cakabede cindi nicaka zwa ku buna Lutherani. awo muntu mpa citola.

<sup>49</sup> Elyo mpawo amulange Bukkalo bwa Mbungano ya Laodikeya niya kamana kutambula Muuya Uusalala, alimwi a luzibo a Muuya wa Leza muli Ncico, elyo mpawo milimo ya Leza ila kaka kwiinda kuli ncico, a ku Ci ita kuti “mulimo mubi.” Mpawo ino kujatikizya ceeco? Mpaawo Kristo mpa tandwa kuzwa mu mbungano Yakwe Mwini. Mwabona? Wa . . . Tii caka Mu tondezya mu mbungano kusikila cakasika ku Laodikeya; elyo cindi Na kasika ku Laodikeya, Wa katandwa kuzwa mu mbungano Yakwe, kusola kupilukila mukati.

<sup>50</sup> Lino, mwabona, kululamikwa tii kwaka Mu bikka mukati. Kusalazigwa kwa kasalazya buyo busena nkambo ka Nguwe. Pele cindi lubbizyo lwa Muuya Uusalala lwasika, lwaka Mu bikka mu bantu. Elyo lino baka Mu tanda, cindi Na katalika kulitondezya Mwini, kuti Ngu mbobuca nguwenya, sunu, amuya myaaka. Baka Mu tanda nkaambo bakabunganya, alimwi i—i Muuya wa Mwami tau zuminani a kabungwe kabo. Mwa mvwisya lino? Kuti, baka Mu bikka anze. “Ta tuyandi cintu cacucita a kukwabana kwa mizeezo. Ngu—ngu dyabulosi. Ngu kusonda. Na . . .” Mwabona?

Taba mvwisyi. “Meso, alimwi taba konzyi kubona; matwi, alimwi takonzyi kumvwa.” Mwabona? Leza ujula biyo meso mbuli Mbwa yanda. “Ula yumya oyo Ngwa yumya, Ula

lombozya, alimwi—alimwi—alimwi kupa Buumi kuli baabo Mba yanda.” Mbombubo Lugwalo mbolwa kaamba.

<sup>51</sup> Lino, tula bona maora aya motubede, cibeela eci, alimwi tula bona obo mbo cakabede. Elyo Muuya Uusalala uyakulula bukkalo obo bwaka Mu tanda. Pele, muli zyoonse ezyo, sena mwakabona, “Kuli oyo uuzunda”? Akwalo mu bukkalo obo bwa mbungano, mbyaabi ya nyika, “Oyo uuzunda.”

<sup>52</sup> Tu jana kuti awa Leza lyoonse waka jisi bazundi. Wa kali bazundi mu bukkalo abumwi. Lyoonse kuli, ciindi coonse, mu bukkalo abumwi obo bwakali aa nyika, Leza lyoonse wakali jisi muntuumwi Ngwa kali kukonzya kubikka maanza Akwe, mbuli bumboni mu nyika. Ta kajisi kamboni, nekubakuti ziindizimwi buyo bomwe. Pele muntuumwi wazunda, lino, mbuli basalali bakaindi.

<sup>53</sup> Elyo ii—ii mwaalumi mubotu loko, sicikolo mupati, wakali kwaamba, kuzwa *Zinamatizyo Zili Ciloba*, wa kati, “Mukwesu Branham, yebo mukuba i—i silukozyanyo, silwiiyo lwa ziiminizyo a zimvule, mubwini,” kati, “mbobuti mu inyika mbo muyo bikka eyo Mbungano mu Kukwempwa kakutakwe mwaakwe wa Mapenzi, mu cikozyanyo?” Wa kati. . .

Nywebo mwabona, ikuti na ncikozyanyo, kweelede kuba ii. . . kuleelede kuba. . . Ikuti na kuli mubili wini, kweelede kuba musyobo wa cintucini kuzwa kuli ncico. Elyo zintuzyonse Nze amba, obo mbwini, zili jisi cikozyanyo. Cili jisi cikozyanyo. Uli jisi cimvule. Elyo Bbaibbele lyakati, “I zintu zyakaindi zyakali cimvule ca zintu zipya ziciza.”

Wa kati, “Pele lino wa kabweza Cizuminano Cakale mbuli cimvule. Lino,” wa kati, “ncinzi ncoya kucita a Mbungano eyi?”

<sup>54</sup> Oyu muntu uzwa ku. . . Ii muntu mulemu, mwiyi mulemu oyo mweenzuma wangu wamunsi, muntu mubotu loko, alimwi walo mukwesu mubotu. Inga—Inga nseba acamba ca kwaamba bbala lyomwe kulwana mukwesu. Inga nsecita, nekuba. Mbuli—mbuli ii. . . Mbuli Munakristo, inga Nse wamba cintu cimulwana. Ta—ta—ta zuminani a ndime aa ciyo eco comwe, pele walo—walo mukwesu muyandisi. Tula lya antoomwe. Elyo, oh, mulombwana uli kabotu loko. Nda bweza magazini yakwe, kubala zyaano zyakwe. Elyo wa lemba zyangu zimwi, a zimwi zimbi. Elyo Nda kabweza ziyo zinji kuzwa kuli ceeco Nce—Nce kabala—kabala ka zya buzumini bwakwe, ku mumvwa kaamba. Walo muntu mulemu, pele ta—ta konzyi buyo kuzuminana a ndime. Nda lumba eco, ca kusinizya kwakwe. Nekubakuti ta citi buyo, umwi wa baaba batontaikwa, weelede buyo kuzuminana a zintuzyonse nzo wamba. Uli jisi kulamwa kwakwe mwini, alimwi ula iminina. Nda lumba eco. Alimwi muntu mubotu. Oh, Ta—Ta ndili mwiiyi na sicikolo mupati, pe, pele oyu muntu ngu koonse mwiiyi a sicikolo.

55 Pele Nse—Nse konzyi kuzuminana a nguwe, nkaambo Nse ciboni. Pele, ta cijatikiziyi ku lufutuko, cijatikiziya ku Kuboola kwa Mwami. Ula bona kuti Mbungano yeelede kwiinda mu mwaakwe wa Mapenzi, ku kusalazigwa. Nda amba Bulowa bwa Jesu Kristo busalazya Mbungano. Mwabona? Ta iyandi . . .

Ndi syoma kuti mbungano iyo inda mucuindi ca Mapenzi, kabunga ka mbungano, pele Nabwiinga taciti. Sa inga wasala mwanakazi ngo keelede kusanzya kotana mukwata? Mwabona? Nabwiinga wa Kristo uli salidwe, alimwi Uli salidwe. Elyo Ngu Nabwiinga wa Leza, Nabwiinga wa Jesu Kristo.

56 Elyo lino wa kati, “Mbobuti mboya kukozya ceeco, ikuti na oyo Nabwiinga waunka, kujulu Ka tana kwiinda mu mwaakwe wa Mapenzi?” Kati, “Ndi jisi Lugwalo lumutondezya kuti Mbungano ili mu mwaakwe wa Mapenzi.”

Nda kati, “Kobala buyo Cinamatizyo Cacisambomwe, kwa mana, ili nkoonya okuya kungsi lya mwaakwe wa Mapenzi. Pele amujane, kakutanaba buyo eco, Nabwiinga wamana kuunka. Mwabona? Uli mu Bulemu ku ciindi eco. Ta jisi kusalazigwa.” Mwabona?

“Oyo usyoma Ndime ujisi Buumi buteeli, alimwi taka booli mu lubeta na Lubeta, pele wazwa ku lufu kuyaku Buumi.” Kristo wakapa cisyomezyo cakuti tatu kaimikili nokuba ku Lubeta. Aboobo cabuyo Wa kabweza busena bwangu, kusikila Nda anguluka cakumaninina. Cindi Nda jatilwa, Nda jatilwa. Mbobuti Mbwa konzya kundi gusya mu cintoole cankongole, jisi risiiti, ikuti . . . Mbobuti Mbwa konzya kuba Munununi wangu, a kundi bweza kuzwa ku cintoole cankongole, elyo sikucitila bamwi makwebo kacili kwaamba kuti Ndi zulilwa kuli nguwe? Ndi jisi risiiti iilembedwe, ameni, mwabona, ya kalembwa aa Bulowa bwa Jesu Kristo. Mwabona? Lino, muli eco, mpaawa mpo tuboola.

Wa kati, “Lino, mbobuti mboya kujana, kupambula oyo Nabwiinga musale ngo kanana lino, mbobuti mboya kubikka Ceeco kungsi lya cikozyanyo?”

57 Nda kati, “Ncibotu loko.” Nda amba, “Nceeci we. Lino, muli Matayo, cipati 27 a kampango ka 51.” Ikuti na twa . . .

Andi cibale buyo, elyo mpawo tu—tu cijisi kabotu. Mpawo tu jana kuti naa cakali cikozyanyo na pe, naa ngu Nabwiinga wakasalwa. Matayo, cipati 27 a i—a kampango ka 51. Yaa. Tula bala eci, ku kubambulwa kwa Mwami wesu.

*Elyo, mubone, cisitilizyo ca tempele caka deluka mu bubili kuzwa kujulu kusika aans; . . .*

58 Lino, oyo wakali mulao. I mulao wakagola mpoonya awo. Nkaambo, cisitilizyo caka bamba mbunga kuzwa ku zyaano zisalala zya Leza. Mupaizi biyo wakananikidwe waka njila omuya, alimwi, kuti, lomwe mu mwaka. Mulayeeya? Lino, Leza,

a janza Lyakwe Mwini, amubone, “kuzwa aatala kusika aansii,” kutali kuzwa aansii kusika aatala. Alo kulampa kwa tukokola tuli makumi one. Amubone, kutali kuzwa kungsi kusika aatala, pele “kuzwa aatala kusika aansii,” katondezya kuti cakacitwa aa Leza. Kuzapula cisitilizyo mu bubili, mpawo nekuba, kufumbwa muntu, kufumbwa muntu uyanda, inga waboola a kulya a caando ca busalali Bwakwe. Mwabona? Ncibotu.

*...kuzwa atala kusika ansii; nkabela nyika yaka zungaana, a myaala yakaanduka;*

*Elyo zyuumbwe zyaka juka; a mibili minji ya basalali abo bakali koono yakabuka,*

*Elyo bakazwa mu zyuumbwe kwiinde bubuke bwakwe, ...kainka mu muunzi uusalala, a kulibonya ku banji.*

<sup>59</sup> Mbaabo Basale, oyo Nabwiinga. Kutali boonse mbungano yaba Juda bakasika ku ciindi eco. Boonse babo bakacita cituuzyo nciconya. Boonse babo bakali kungsi lya bulowa bwakatika ibwa kabelele. Pele kwakali Nkamu yakasalwa; a Nkamu eyo yakasalwa, mbo zyakazwida buyo kucitika, eyo yakasyoma ncobeni muli Njiyo a kusinizya. Lino Ndi boola ku bbala *kuzunda*. Lino jata ali leelyo. Aba bakazunda ncobeni, cakusinizya kubamba cipaizyo nciconya eco bamwi babo nco bakapanga, pele, mu kusinizya, kukoma zintu zya inyika. Cindi mulungo niwa kababambila nconzyo, ba kali mu paradaiso kusikila eelyo bbwe-...ciindi eco. Eco ciindi caa bambwa, baka zunda alimwi bakali kulyookezya, kaboono; mwabona, “mibili minji ya baabo bakoona mu bulongo,” mwabona, kaona.

<sup>60</sup> Lino, ikuti ni twali jisi ciindi, ni twa konzya kuzumanana kujokela kuli Daniele, cindi, Daniele, oyo wakasalwa waka zunda. Elyo Wa kati, “Kojala Bbuku, Daniele, nkambo uyo lyookezya muli kwako kunji. Pele cindi Mwami aku boola, oyo uyo iminina bantu, uyo imikila mu lota oyo.” Nceeci we. Daniele, oyu musinsimi wa Leza, wakabona ciindi camamanino kaciboola. Elyo Wa kati, “Daniele, uyo imikila mu kunji kwako ku buzuba obo.” Elyo ngooyu mbwa kabede, kayutuka; kutali boonse ba Israyeli, pele cikozyanyo ca Nabwiinga wa Israyeli. Lino, bamwi ba Israyeli taba booli kusikila ku bubuke bwa boonse.

<sup>61</sup> Elyo lino, ku Kuboola kwa Mwami Jesu, abo bayandisya ncobeni Kuboola Kwakwe, ba ponena nkuko; cindi Na libonya mu mulengalenga, Mbungano eyo iifwide muli Kristo iyo buka, nkabela abo bayo cincwa mu kaindi kaniini. I bamwi babo taba kazibi kujatikizya ncico. Amuyeeye, “Kalibonya kuli baabo mu munzi.” Mwabona? I—i—i Kukwempwa kuyooba mbuli boobo. Tuyo bona umwi aumwi, nkabela tuyo babona. I bamwi ba inyika taba kababoni. Kuyo kwempwa mbuli maseseke mwayabuya. Kulindila ciindi eco!

Mpawo kubweeda ku nyika ku Mileniamu eyo yabulemu, mpawo myaka ili cuulu. . . “I bamwi bafu tiiba kapona kwa myaka ili cuulu.”

<sup>62</sup> Elyo mpawo kwa kayutuka bubuke bwaboonse, oko, boonse ba Israyeli. . . Elyo akwalo, amulangisye awo, baapostolo bali kkumi ababili, basikale bali kkumi ababili, boonse bakaimininwa. Elyo tatuna sika kuli ceeco pe. Ndiza, Mwami nawayanda, tuyo sika kuli ncico mu Cizuminano, obo ayo malambo aa jaspi, a mabwe ali kkumi aabili, milyango ili kkumi aibili, intalisyo zili kkumi azibili, zyoonse ezyo ziimininwa. Mbaaba bali aa zyuuno zyabwami zili kkumi azibili, batumwa baangelo ba mazuba ayo, kucitika lubeta aali baabo bakakaka mulumbe wabo. Ameni. Mpaawo kwayutuka oora eelyo pati. Inzya.

<sup>63</sup> Ino mbuzuba, ino nciindi nco tupona! Obo mbo tweelede kulingula, Mbungano. Lino tu kanana makani a zintu ezi kaziboola, ezyo ziyo boola. Lino, sunu, atu lokele musule awa a kubona, tulingule tobeni a kubona ikuti na tuli moonya mu Lusyomo.

<sup>64</sup> Lino atwa ambaule bazundi basyoonto kwa maminiti masyoonto, mu mazuba aa ciindi ca Nowa, oyo waka tondezegwa aa Jesu Kristo, kuba mbuli sunu.

Ndi yeeyela kuti ndi jisi maminiti ali kkumi. Lino Ndi yooba cisela ca oora. Ndi talika buyo, peeji litaanzi. Ndiyo sotoka masyoonto amwi, ikuti na Nda konzya, a kujana eco. . .

<sup>65</sup> Mu ciindi ca Nowa, cikozyanyo ca sunu: Jesu waka tondeka kuli ncico, a kuti, “Mbuli mbo cakabede mu ciindi ca Nowa, aboobo mbo ciya kuba mu Kuboola kwa Mwana wa muntu. Mu ciindi ca Nowa, aboobo mbo ciya kuba mu Kuboola kwa Mwana wa muntu.” Amubone, kwakali inyika eyo yoonse ya zambangulwe pati, antela mamilioni aa bantu, kwakali bazundi bali lusele. Bantu bali lusele bakazunda, abo bakali bazundi ncobeni, ncobeni. Kwakali bana ba Nowa a bamakaintu babo, a Nowa a mukaintu wakwe. Bali lusele bakazunda, abo bakanjila bwaato ku ciindi ceelela. Mbobuti mboba kacicita? Ba kaswiilila ku Ijwi lya Leza. Tiiba kajatwa kunze lya mulyango. Ba kajatwa mukati ka mulyango.

<sup>66</sup> Oh, beenzuma bangu bayandwa, muta lekeli mulyango oyo kujala. Jesu wakati, “Mbuli mbo kwakabede mu buzuba obo, mbubonya mbo kuyooba mu Kuboola kwa Mwana wa muntu.” (Nda lumba, mukwesu.) “Aboobo mbo ciyooba ku Kuboola kwa Mwana wa muntu.” Lino, kuli muntuumwi uyo jatwa aanze lya mulyango oyo.

Bunji bwabo ndiza bakali jisi makanze mabotu, alimwi, “Buzuba bumwi, ikuti na zintu zili boobo zyacitika, tuyo njila a Mukwesu Nowa, nkaambo mulombwana mubotu.” Pele, nywebo mwabona, cakajata buyo lusele mukati.



67 Lino, amuyeeye canguzu eno. Ikuti na muli kkede koonse, kamubatamika, amunjile. Kubinda, cakufwambaana, nkaambo mulyango inga waswena kufumbwa ciindi.

68 Elyo lyoonse kwakali bwaato mu buvubi bwa Leza. Kwakali bwaato mu mazuba akwa Nowa, ku kufutula kwa bantu Bakwe. Kwakali bbokesi mu mazuba aa mulao, bbokesi lya bumboni. Mu mazuba aa mulao, ba katobela bbokesi.

Elyo kuli bubanze bwatatu lino; mbuli ciindi ca Nowa, ciindi ca Lota, elyo lino ciindi eci. Kuli bwaato lino. Elyo bbokesi eelyo tali kabungwe, naanka kuti milimo mibotu njo cita. Nku “ku Muuya omwe,” ba Roma 8:1, “toonse twa kabbizigwa mu Mubili omwe, mu bulelo bwa Bwami obo, lubbizyo lomwe lwa Kumuuya.” Takukwe makani mbo muli babotu, mbo muli babyaabi, kufumbwa, muli mu Bwami obo kwiinda—kwiinda ku lubbizyo lwa Muuya Uusalala. Mwabona? Eyo nje nzila ilikke njo muzunda. Nku koonse kungsi lya Bulowa bwakatilwa kuli bazundi, nkaambo to konzyi kukoma, lwako. Ngo Nguwe uumu zundila. Mula lyookezya.

69 “Mbobuti Mbweyo ziba mpawo, Mukwesu Branham, kuti Ndili Omuya?” Amulangilile musyobo wa buumi ngo mupona. Langa buyo koonse. Amubone ikuti na cakapona buyo kuzwa kuli nduwe, cakulicitikila. Na, sena weelede kuminwa a kukwela, mwabona, mpawo uli mukucicita. Pele uta soli kucicita. Sena wakasola kusola? Inzya. Uta citi.

70 Mbuli buyo kubikka kuboko kwa muvwanda muniini mu cidindi ca moyo, nywebo mwabona. Uli buyo mujulu, aansii, koonse, a zintu zyoonse zimbi. Mwabona? Ta konzyi kucicita. “Kosama bbaki lyako, oyandwa.” Ta konzyi kucicita. Kuboko kuniini kuli mujulu, aansii, koonse. Citola janza lyako lyakasimpe.

Oh, obo Mbwe kkomene, Nda konzya buyo kupa janza lyangu kuli Taata, kwaamba, “Mwami Jesu, Nse konzyi kunjila Omuya. Kondi gwasya. Ko ndisamika bbaki.” Nda leka kusoleka. Ko Mu lekela buyo kucicita. Mwabona?

71 Ikuti na muvwanda muniini wazumanana kusola, “Oh, Nda konzya kucicita. Nda konzya kucicita.” Elyo uli koonse buya. Ta konzyi kucicita.

Akwalo tokonzyi, naanka kuti inga Nda, pele ikuti na tuyo jatilila buyo zii a ku Mu lekela kucicita. Kulipa buyo kuli Nguwe, “Mpaawa, Mwami, mpaawa Mpendi. Kondi lekela buyo—buyo kuba cintu. Nda—Nda lipa. Wa bikka janza lyangu mu busena bweelede.” Olo nduzundo. Oko nkuzunda.

72 I cintu nco elede kukoma nkuli lwako, muzeezo wako, cintu cako, a kulipa lwako kuli Nguwe. Wa kamu zunda. Uli zyi nzila; ta tuzi.

<sup>73</sup> Pele mu ciindi ca Nowa kwakali bazundi bali lusele, nkabela obo bwaka njila. Ba kakwempwa mukati.

Lino amulange, beenzuma. Ndi syoma kuti bali mukuteping'a eyi. Elyo ikuti na cili aa cipekupeku, na per... munda jatile, teepu. Kufumbwa nco cita, oyo uswiilila lino, na, nguni uya kuswiilila kuzwa waano, oora lyamana kapati, alimwi uli jisi bukanze bubotu, pele ko jatwa mukati. Lino, muta pengani. "Kutali oyo uyanda, na oyo ubeleka, pele Leza." Amulekele buyo Leza. Kolipa buyo lwako kuli Nguwe a kuzumanana, a lusyomo, lulondokede lwa kukkutula, kuti, "Eco Leza nca kasyomezya kuti Ula konzya kucita." Kutali kusangana kabungwe kamwi, kabungwe kambi, kubelesya *eci*, *eco*, na *cimbi*, kusola *eci*. Kolipa buyo lwako kuli Leza, a kweenda a Nguwe, caluumuno, muumuzi, kutali kunyongana. Kuzumanana buyo kweenda a Nguwe. Mbo mbubo.

<sup>74</sup> Nce ncico Nce kaambila mukwesu wesu kuti wakazwaa kuba i-i kunyonyooka. Mwabona? "Kulipa buyo kuli Nguwe. Uli waano, Walo Oyo wakazi eco nco kacita, a ceeco cakacitya cilenge cako a kucita nzila *eyi*, a zyoonse ezyo. Uli zyi koonse kujatikizya nduwe, elyo lino Wa kamwaambila buyo kusule eco cakucita. Lino," Nda kati, "cintu biyo ncoelede kucita nkuuna buyo kucicita. Nkokuti, amulube boonse kutandila kwiinda, kweenda, kuponena ciindi ciza, mu Bulemu a Busyu bwa Leza."

Bazundi bali lusele.

<sup>75</sup> Mu mazuba aa ciindi ca Daniele, kwakali bazundi bone bakali kukonzya kuzunda sunko lya mulilo a mulavu.

Lino, tu langila kusunkwa. Eco nciyo cibotu ku mukwesu wangu—wangu kusule okuya, awalo. "Oyo uboola kuli Leza weedele kusangana kusolekwa." Kusunkwa (inzi?) kubelesya Ijwi. Oyo musunko wa Leza. Sena mula cisyoma? "Oyo uboola kuli Leza weedele kusunkwa." Eco citondezya buyo mwana wakasimpe, mpawo, mwabona, ku sunkwa. Elyo cindi musunko wasika aa... To konzyi kuzunda citakuti kuli musunko wa kupa. Elyo cindi kusolekwa kwa pegwa, nku bona na ula konzya kuzunda na pe. Elyo Jesu wakati, "Kuli oyo uuzunda," kusolekwa. I musunko ncintu cipati maningi eco cakasola kucitika kuli nduwe. Nda syoma kuli lembedwe mu Lugwalo, Petro wakaamba, kuti, "Masukusyo esu ala yandika maningi kuli ndiswe kwiinda ngolide iiyandisi." Nciindi cakusolekwa. Bwalo mbumboni bomwe bubotu kuli ndiswe kuti Leza ula ndiswe, cindi twa solekwa, nkambo boonse bana ba Leza bala solekwa a kusolekwa.

<sup>76</sup> Elyo Daniele, muntu, musinsimi; Shadraki; Misheki; a Abedinego; Daniele wakali musinsimi; alimwi oyo wakali musela wa Mbungano mu buzuba obo, Nda amba, Nabwiinga. Kuli mbungano zinji, kutandila mamilioni obilo ambabo baka selemukila okuya. Pele kwakali... Oyo wakali musela wa

muzundi. Elyo balo bazundi baka sunkwa. Elyo bazundi boonse beelede kusunkwa. Elyo cindi noba kati, “Amu josye eco Ijwi nco lyaamba, na kwalo kusowelwa mu bbila lya mulilo,” ba kakaka cintu cili coonse cita Ijwi.

<sup>77</sup> Elyo cindi Daniele naka pegwa musunko, kuti a kajosye eco Ijwi ncolya kaamba, kuti beelede kuyaama ku tempele, mbuli Solomoni mbwa kakomba, nkabela Wa kali kubavuna kuzwa ku zintu zyoonse, Leza wakali kunga wamvwa kuzwa ku Julu ikuti na ba langa ku tempele a kukomba, a kuti, “Ikuti na muntu umwi ulakomba mu mweelwe wa mazuba aya, alimwi tuli bana Medesi-Persia, abo batakonzyi kucinca na kulesya milao yesu, kuti muntu uyo sowelwa mu bulyango bwa balavu,” baka mubambila kooze, walo, Nda syoma musinsimi oyo wakaziba eco, pele baka mubambila kooze, wa keenda cakulibombya, cindi nicaka boola kuli nguwe kukomba, cindi, wa kalizi, ku busena bwa muunzi mu Jerusalema, kwakali cituuzyo ciyaka aa cipaililo, Daniele taka yoowa basikutwela.

<sup>78</sup> Kajula magilazi, aku waala zijazyo kusule, a kufugama aa mazwi aakwe, a kuwaala maanza aakwe mujulu kuli Leza a kukomba. Nkaambonzi? Kupona na kufwa, wa kajisi kuzunda. Elyo, nkikaako, luzundo lunji loko kusikila balavu tiiba kakonzya kululya. Wa—wa kazunda.

<sup>79</sup> I. . . Shadraki, Misheki, Abedinego baka jisi luzundo lunji kusikila mulavu. . . mane mulilo tiwa kakonzya kuumpa. Nywebo mulizi, kuzunda ncintu ciyumu kumana kusuka, na kumaninina, na kufumbwa cintu. Mwabona? Aboobo, ba, ba kali cijisi.

<sup>80</sup> Inga ndaamba ciimo cimbi. Mu mazuba aa Lota, Jesu waka tondeka kuli ncico, kwakali buyo botatwe abo bakazunda, Lota a bana bakwe basimbi bobilo. Kutali awalo mukaintu wakwe; taka zunda. Waa—waa katalika kweenda. Walo mukozyanyo. Ni twali jisi ciindi. Maminiti angu ali makumi otatwe mujulu ndyoonya lino. Mwabona? Mwabona? Waa, waa kacita kabotu, waa kazwa.

<sup>81</sup> Lino Nde elede kupa ceeci kuli ndinywe, kaindi buyo kaniini. Bunji bwanu mwazwa, anywebo. Bunji bwanu mwakasiya zintu ezi, ku kubweza kwiima kwanu, mwamana ku Li langalanga kwiinda mu Lugwalo a ku Li jana kuti lili luleme. Mwa kabona kusimpikizigwa kwa Leza Singuzuzyonse; kutali kuli umwi, eco muntuumwi nca *kaamba* kuti kwakali kusimpikizigwa. Eco Bbaibbele ncolya kaamba kuti ciyooba, elyo mpaawa Uli mukucicita. Mwa ka Ci bona kuti bwakali Bwini. Aboobo, mwa kabamba, kusiya Sodoma, kasiya kabungwe, kasiya zintu zimwaanga ku kayanza kabuzumini; a kutobela Kristo, kwiinda ku Muuya Uusalala kali simpikizya Mwini kwiinda ku Ijwi lya Leza lilembedwe. Mu majwi anwi, mwa kabweza Bbaibbele mucibaka ca kansiyansiya. Mwa bamba, ku kutobela.

<sup>82</sup> Ee, mukaintu wa Lota wakacita cintu nciconya, nywebo mulizi. Waa kakkala anze, kuunka a Lota, katobela mulumi wakwe, bana bakwe, bayandwa bakwe, pele Tii cakali mu moyo wakwe. Waa kacili kumuyanda inyika. Aboobo cila konzeka kuti inga mwapanga kutalika, elyo kacili inyika muli ndinywe. Mwabona? Taakwe naka zunda. Elyo nekubakuti waa kali mu lweendo, kumalekelo caka mutantamuna. Waa kacita kuba a kulanga komwe, kupati, kulamfu, kwa mamamnino. Mpaawo mpa kajatilwa. Uta cebuki nokuba. Uta bi akusukamina. Kozumanana kweenda. Bikka mizeezo yako aa Kalivari a kuzumanana kuya kuli Kristo. Mwabona? Mwabona?

<sup>83</sup> Waa katalika kweenda, mbuli sikuzunda, pele taakwe naka zunda. Oh, waa kasiya kabungwe. Waa kacita. Waa kazwa mu Sodoma, a Lota. Pele waa kali kuyanda kujoka a kugela masusu akwe. Nywebo mulizi eco Nce wamba. Mwabona? Waa kacita kujoka. Ta kakonzya buyo kuzunda i—i kusunkwa. Waa kacita kucebuka alubo, kubona eco bamwi babo ncoba kali kucita. “Oh, nywebo mulizi, Nda kajisi beenzuma bamwi babotu kumusanza okuya, nekubaboobo. Elyo, akwalo, eci inga caba ciniini buyo—ii kweenda kuniini. Nse zyi naa inga calulama nape. Ndi—Ndi jisi buyo ijwi lya mwaalumi oyu kuli ndilyo, nekubakuti mulumi wangu. Pele nekubaboobo . . .” Mweembeli wako mulumi wako, kukanana kumuuya, nywebo mwabona. “Lino, naa inga caba ciluleme na pe, Ta ndizi. Ndiza walo, ciyubunuzyo cakwe tii cakali kabotu.”

Mpawo, ikuti na to kkuutilide cakulondoka, to zyi cakumaninina kuti Ndi Ijwi lya Leza, nkokuti—mpawo to konzyi kuumka. Mwabona? We elede kusambalwa ncobeni. We elede kuziba. Kutali kwaamba buyo kuti, “Ee, Nda bona bamwi kaba cicita. Nda bona citondezyo.”

<sup>84</sup> Nywebo mulizi, Israyeli yakatalika kweenda, Nda kakonzya kwaamba cintu nciconya a kucileta mukati muno. Ba kataliaka kweenda, bali mamilioni obilo bayumu, nkabela baka golela kuba bantu bobile. Yaa. Ba kabona milimo ya Leza. Ba kabona kutondezegwa kwa Muuya. Ba kabona maleele, mapati malemu kaacitwa omuya mu Egepita, a zintuzyonse, a kutalika kweenda. Pele tii—tii cakali mu moyo wabo. Tii baka zunda. Ba kazwa buyo. Elyo Jesu wakati, “Elyo bakaloba mu nkanda,” nkabela bakafwa Cabutamani. “Boonse babo bali fwide,” oko kwaamba kwandaanisigwa Kutamani. Umwi aumwi wabo waka bola mu nkanda.

<sup>85</sup> Pele kwakali baalumi bobilo, Joshua a Kalebi. Alimwi cindi nicaka boola ku kazekelelo, zisinkila zyakali zipati loko mane bakalibonya mbuli cisozi ku lubazu lwabo. Joshua waka kwiila a Kalebi, a kuti, “Tula konzya loko kucicita.” Nkaambonzi? “Leza wakaamba boobo.” Elyo bakali bazundi. Ba kazunda. Ba kali mbabo bakali acoolwe, kuzwa ku kabunga ako koonse kapati ka bantu, kubweza Nabwiinga, wini musale mu nyika ya

cisyomezyo. Joshua a Kalebi mu mindando ya kumbele okuya, mbuli basyazibwene bobilo, kabasololela nkoonya kunselelo lya mulonga, a kuzabuka mulonga, okuya mu nyika ya cisyomezyo. Nkaambonzi? Ba kasyoma Ijwi, takukwe makani acintu.

<sup>86</sup> Mpawo, Datani wakabuka. Datani, mubwini, wakabuka, alimwi mbubonya Kora, alimwi baka sola kwaamba, “Oyu muntu uli mukusola kulibamba lwakwe aatala aali toonse swebo; ula salala loko kwiinda bamwi babo.” Leza nakamana kusimpikizya muntu cakumaninina. Ba kati, “Tuyo talika buyo nkamu ya bantu elyo tuyo panga *eci*, *eco*, na *cimbi*, elyo tuyo panga tubunga twesu, tuyo cita . . .” Elyo bakafwa a kuloba.

Pele bantu abo baka jisi Ijwi eelyo lya Mwami, nkabela baka kkala a Ndilyo, nkabela baka zabuka.

“Kutali oyo uutalika; oyo uumanizya.” Banji bala talika muzundano, pele kuli Umwi uli muku cimanizya. Kuyooba mambungano manji ayo talika, nkamu zinji zya bantu. Kuyooba Nkamu yomwe iyo mana. Abo mbe bazundi.

<sup>87</sup> Buzuba bwa Lota, iiyi, waa kacita kuba kucebuka, komwe kupati. “Oh, Nda siya *Niini-a-niini* kunselelo okuya, ziindi zibotu twa kali kujisi. Nse kacilubi.” Elyo waa kajatwa, kajala, mbuli mbo cakabede mu mazuba akwa Nowa. Waa ka jalilwa aanze, kakutakwe luse, nkabela waa kanyonyooka. Elyo i—i mulwi uciimvwi awo sunu. Ba taminina (Ta ndizi) inga watyola kabeela kuzwa kuli ncico nkabela ciyo komena kujoka, musumpululu wa munyo. Kasole kubona eco cifwanikiso ca *Sodoma A Gomora*, uya kubona cilwi citaanzi ca munyo cakaimikila okuya.

<sup>88</sup> Lino, kuli lwandaano akati ka musumpululu wa munyo a Musumpululu wa Mulilo. Mwabona? We elede kuunka nzila yomwe. Inzya.

<sup>89</sup> Amubone, muli Johane ciindi ca Baptisti. Muli Johane ciindi ca Baptisti, kwa kajanwa zili cisambomwe ezyo zyaka zundwa. Makkalo oonse, ba kajisi bazundi. Mu ciindi ca Johane baka jisi cisambomwe, oyo wakali Josefa a Mariya, Zakariya a Elisabeti, Simioni a Ann. Ii mwaalumi a mwanakazi, mwaalumi a mwanakazi, mwaalumi a mwanakazi; mwabona, cikozyanyo ca Kristo, Mbungano; Kristo, Mbungano; Kristo, Mbungano; Kristo, Mbungano. Mwabona? Mwabona?

<sup>90</sup> Amubone, ila talika kuzwa ku muntu wakunyama. Peepe- . . . Mo- . . . Josefa, muntu wakunyama, Josefa, ino wakali nzi? Ii mubezi. Mpawo mupaizi, wakali nzi, mwabona? Ii mukutausi mu ng’anda ya Mwami; Zakariya. Elyo kuzwa kuli ceeco, kuli Simioni, musinsimi a mwanakazi. Mwabona? . . .? . . . Kululamikwa, kusalazigwa, lubbizyo Muuya Uusalala. Ameni. Sena mwa cibona? Cakulondoka. Wazunda bali cisambomwe. Boonse bamwi babo, baka tuula cituuzyo cabo a zintuzyonse, pele aba bakali Basale. Ba kazunda.

<sup>91</sup> Amubone abumwi bukkalo bwa mbungano. I muzundi nguonya cindi niba, mwana aumwi kuzwa mu bukkalo bwa mbungano abumwi, kukoma sunko lya bukkalo obo. Ndi jisi Magwalo awa. Nse yeeyi kuti tu jisi ciindi ncobeni caku cibamba, pele tu lizi abumwi bwa makkalo aa mbungano. Mbubonya lino. Cili mbuli muntuumwi uli . . .

<sup>92</sup> Mwabona, mbuli Mbwe kaamba ku matalikilo, wa kazyalwa kuzundwa. Elyo kuzyalwa oko taku konzyi ku kuleta ku—ku Buumi, nkaambo wa kazyalwa kuzundwa. Elyo uli mu nyika ya kazundwa, aakati ka bantu bakazundwa, aakati ka tunsiyansiya twa kazundwa, tubungwe twa kazundwa. We elede kuboola ku kuzunda nzila imwi.

<sup>93</sup> Cili buyo mbuli mpana. Ili kuli . . . I mpana, Ndi yeeya kuti, njimwi ya malubaluba mabotu loko ayo aliko. Ndila ziyandisya loko ezyo mpana zipati zya kalla, a mpana lya mu ciziba. Ndi yeeya kuti kwiina cintu cibotu buyo mbuli mpana mpati yamu ciziba, mboiita kuti mpana yamu maanzi. Obo mboi jisi bube bumweka! Lino, ino buzwa kuli? Ni mbuto niini, kungsi mu ciziba, cantimba iikopene. Alimwi eyo mbuto niini, nekuba, boonse bube bumweka mboya kasola kumwekela muli njiyo, buli muli njiyo mpawo, cindi yanooli mu ntimba eyo. Pele yeelede kulwanina, abuzuba, mukuziba kuti kuli cintucimwi. Cila siya. Nca tombe. Nca buloko maningi. Nca kweenena. Mu tombe elyo moi kkala, nekubaboobo ila lisungilizya munzila yayo kwindi mu ntimba, akukopana, alimwi meenda, a masena ateendi maanzi, kusila ila yunya mutwe wayo atala, mu mumuni, akutondezya eco caka sisidwe muli ncico ciindi coonse.

<sup>94</sup> Ndi yeeya kuti oyo sikuzunda, cakuti, ciindicimwi mu cibi, cimwi ciindi cakali lubide, muta libiliki kujatikizya ncico lino. Lumwi ciindi zyakali lubide, mpawo, eno nkaambonzi kucebukila mu ciziba alubo? mwabona? Langa, yebo waka . . .

<sup>95</sup> Leza, kwiinda ku kukanza Kwakwe, mwabona, kwaleta mbuto eyi ku buumi, alimwi yali siminina, mwabona, kuboola ku mumuni. Elyo lino, atala lya zyoonse ezyo, zya koma. Mwabona? Tali tondezyi lini kumusanza *okuya*. Iboola atala, kulitondezya ini.

Akwalo to kacita, mu cibi cako—cako, a mamambi, a zintu zyoonse nzo kaponi mo. Taakwe cintu ncoka tondezya. Pele kwakali mbuto omuya, alimwi yakaba acoolwe cakuli syanikizya kuya mu Mumuni. Elyo lino uli mu Busyu bwa Jesu Kristo, a Mumuni wa Mwana. Wa kaleta obo mbo kabede ncobeni ku matalikilo. Nywebo mwabona eco nce Ndi pandulula na? Mwa kabona Mumuni. Mwa kazimaazigwa. Mwa bikka myoyo yanu kijukide, elyo lino muli mpana.

<sup>96</sup> Sa mula yeeya nkambauko yangu aa mpana? Bafundisi Mpana, obo mboi penga. “Elyo, nekubaboobo, ta stuli. Elyo nekubaboobo, Solomoni, mu bulemu bwakwe boonse, tana

sakatide mbuli imwi ya zeezi.” Wa—wa—wa—wa—wa...Amu mulange. Uli libambilide ku g-...Ta bweze cintu mwini. I mpana taikwe cintu kujatikizya njiyo. Ino ucita nzi? Ula—ula gusya bweebesi bwakwe, buumi bwakwe, kutegwa bamwi babone. Buumi bwakwe bwatondezegwa, kutegwa bamwi babone bulemu, eco cili muli nguwe, eco cakali muli nguwe mu ntimba eyo. Lino uli atala.

Oyo muzundi. Wa ka zunda ntimba. Wa ka zunda zintu zya inyika. Elyo lino ula lipa cabuyo mwini. Bantubonse inga ba mu langa. Buumi bwakwe, to konzyi kubikka munwe ali ncico. Mwabona? Walo muzundi wini. To konzyi kwaamba cintu kujatikizya nguwe lino. Kwaamba, “Wa kazwa mu ntimba.” Pele tali mu ntimba lino. Uli atala lya njiyo. Ameni. To konzyi, mpawo, kutondeka kusule obo mbwa kabede. Ino nguni lino? Uli atala.

<sup>97</sup> Mpawo nzuki ilaboola ambali a kwaamba, “Oyo ngu pemfyumu mubotu. Nda syoma Ndiyo unka a kubweza cibeela cangu.”

<sup>98</sup> Walo ujula buyo moyo wakwe, “Koboola lino. Ncibotu.” Zintuzyonse zilazwa kuli nguwe. Mwabona? Walo—walo mweembeli wini. Ula tondezya Bulemu bwa Leza. Elyo amulange oko nkwa kazwida. Wa kacita kukoma, kucita ceeco.

<sup>99</sup> Ciindi cimwi, walo na waa kali mukubusyi a mubotu, weebeka. Ba kajisi masunko manji ngo twiinda mo, pele bakazunda eco. Mwabona? Ba koma. Lino ba tondezya bweebesi bwini bwa Kristo mu buumi bwabo. Amubone, kutondezya, kwiinda mu ntimba.

<sup>100</sup> Jesu waka tupa mukozyanyo, nzila ya kucicita. Lino tu yanda kuziba nzila ya kukoma. Jesu waka twaambila nzila ya kucicita. Mwabona? Bubombe! Kalipukuta Mwini, kabweza cisansamuzyo, a kusanzya matende aa basikwiiya a kuzipukuta. I Leza nguonya wa Julu waka lyuubaula Mwini.

<sup>101</sup> Ta tuyandi kulyuubaula. Ako nkekaambo banakazi ncoba tayandi masusu abo kulampa, mwabona, kaambo nco batayandi kusama mbuli balindu mbo beelede kusama. Mbuli, bantu taba yandi, mwabona, ncintu nciconya. Taba citi. Ba—ba uhuga.

Pele, Jesu, cakuzumanana! Amulange Oyo Mbwa kabede. Bupati! Ndi laamba cintucimwi. Bupati bula lyuubaula bolikke. *Mupati* ulalibombya mwini. Bupati!

<sup>102</sup> Nda kajisi coolwe cakunjila, mu muswaangano a bantu balemu. Elyo balo balombwana aba bajisi kucinca kwa zisani, a maseenti ali makumi osanwe mu nkomo zyabo, a kulizya lizya, oyo ngo mulombwana uyeeya kuti ngu cintu cimwi kakuli tali cintu. Pele Nda kaima muni lya bantu bapati, Nda amba bantu bapati a maboko agalankene, myeengo ya moombe. Ba kupanga kuyeeya kuti uli muntu mulemu. Mwabona?

Bupati ngo bubombe. Muta lubi eco, Mbungano. Bupati bwatondezegwa mu bubombe, kutali obo bubotu mbo mukonzya kuba.

Ta ndaambi tombe, lino. Nda—Nda amba kulibombya mu muuya. Mwabona? Ta ndaambi buyo kuzwa—kuzwa kuya kubusena a kutasola kusanzigwa a kunjoloma. Kuti, mweelede kucita eco. Nywebo mulizi eco. Mwabona?

Pele Ndi kanana kujatikizya bubombe, bubombe bwini, kutali cintucimwi cakuli bikka buyo. Cintucimwi eco ciliko, obo mbubombe ncobeni.

<sup>103</sup> Jesu waka twaambila nzila ya kucicita. Wa koma. Caamba. . . *Kuzunda* caamba “kukoma kusunkwa,” mbo mbubo, mbuli basalali boonse bakaindi mboba kacita; mbuli Jesu mbwa kacita: ula silika basinkondo Bakwe boonse, Wa kazunda sunko. Zintuzyonse Nzya kasolekwa kulwana, Wa ka cizunda. Mu busyu mbubonya bwa malwazi, alimwi Walo mukuba Mesiya, Wa kabaponya. Mu busyu bwa lufu, Wa kacijosya ku buumi. Mu busyu bwa Kalivari, lufu Lwakwe Mwini, Wa ka cizunda kwiinda kukulipa Mwini. Nkaambonzi? Kwiinda ku Ijwi. Kati, “Amu nyonyoone Tempele eli, nkabela Njo liya kulula mu mazuba otatwe.” I Ijwi lya kaamba boobo. Mwabona? Elyo mu busyu bwa lufu, Wa kacizunda. Wa kazunda lufu. Mu busyu bwa gehena, Wa kazunda gehena a kuzunda gehena. Iiyi. Mu busyu bwa cuumbwe, Wa kazunda cuumbwe. Nkaambonzi? Koonse ku Ijwi, a bubombe. Oh, ma! Ngooyo Muntu wini. Ngooyo Umwi wakubamba mukozyanyo wanu. Mwabona? Wa kazunda zintuzyonse, ka cizunda.

<sup>104</sup> Amulange. Sunko lyakali lya Nguwe. Nywebo mulizi obo? I Bbaibbele lyakati, “Wa kasunkwa mu zii zyonse mbuli ndiswe, nekubaboobo kakutakwe cibi.” Wa kasunkwa ku—ku kunywa. Wa kasolekwa ku banakazi. Wa kasunkwa ku zintuzyonse zyakali kukonzya kusunkwa. Wa kasunkwa ku zintuzyonse mbuli ndiswe. Wa kali Muntu, elyo nekubaboobo inga tobikka caando aali Nguwe. Iiyi, munene.

<sup>105</sup> *Kuzunda* caamba “kuziba dyabulosi muli kamwi akamwi ka tooze twakwe.” Bunji bwa bantu balati, “Takukwe dyabulosi. Muyeeyo buyo.” Uta syomi eco. Ngooyo dyabulosi wini. Ngwa kasimpe buyo mbuli mbobede na kufumbwa muntu. I dyabulosi wini, alimwi weelede ku mu ziba ncobeni. We elede kuziba kuti ngu dyabulosi. Mpawo, ciindi nciconya kuti ula—ula mu ziba, a kuziba kuti ngu dyabulosi alimwi ula kulwana, mpawo, ku kukoma, we elede kuziba kuti Leza muli nduwe mupati maningi a singuzu kwiinda mbwabede, kuti Oyo uuli muli nduwe waka muzunda kale. Elyo, ku luzyalo Lwakwe, uli muzundi wiinda kuli nguwe. Amen. Kuli kuboola kwini, cindi wa ziba.

<sup>106</sup> Yebo wacebuka, wati, “Ndi cita *eci* alimwi Ndi cita *eco*,” mpawo, peepe, yebo—yebo, yebo wazundwa.



“Pele kwiina luzulo kuli baabo bali muli Kristo Jesu, abo bateendi mbuli kunyama, pele mbuli Muuya.” Mpawo ulaziba kuti wazunda.

Elyo mulizi kuti ngu dyabulosi.

To konzyi kwaamba kuti, “Ndi jisi bulwazi, elyo Nse—Nse—Nse—Nse—Nse syomi kuti mbulwazi.”

Oh, iiyi, bwalo *mbu* lwazi.

Yebo ujisi kkulenge, yebo “uta syomi kuti ndi kkulenge.”

Lyalo *ndi* kkulenge. Lyalo *ndi* kkulenge.

Pele, amuyeeye, “Mupati maningi Oyo uuli muli ndinywe kwiinda oyo uuli mu nyika.” We elede kumvwisya kuti Muuya Uusalala uli muli nduwe wa zunda kale cintu eci. Elyo Uli muli nduwe, alimwi ula konzya ku Mu zunda. Oko nkuyeeya kwabo ncobeni, ni nzila njionya Lugwalo mbo lulembedwe. Kuyabuzunda!

Nde elede kubinda. Nda cita maminiti ali makumi one aosanwe lino. Ndiya buzwidilila maningi eno.

<sup>107</sup> Amubone, kuzunda! I Leza uli muli nduwe mupati maningi kwiinda oyo uuli muli nguwe. I kaleza ka nyika tacili cipati mbuli Leza wa Julu, uuli muli ndinywe, buyo mudima mbo ukonzya kwiima mu busyu bwa mumuni.

<sup>108</sup> Lino, mudima taukonzyi kuzunda mu busyu bwa mumuni. Ta ndikwe makani obo mbo cisiya, mumuni uyo cigwisya. Ta konzyi kwiima. Bulemu! Pele ula bweza mudima munji ngo yanda, a kusola kwiima kulwana mumuni ciindi cimwi, kubona eco cakacitika.

Oyo ngo Nguwe uli muli nduwe, walo Mumuni. Elyo umwi uli mu inyika uli mudima. Aboobo, Mumuni watondezya kuzunda mudima, alimwi muntu uli muli Kristo alimwi ulizi kuti uzunda zintu zya inyika. Ameni. Ta cikwe zyaangwa kuli nduwe, pee. Uli angulukide. “Kweendela mu Mumuni, mbuli Mbwali mu Mumuni, alimwi Bulowa bwa Jesu Kristo bula tusalazya kuzwa ku zibi zyoonse, alimwi tu jisi luswaanano umwi aumwi.” Mpaawo we.

<sup>109</sup> “Oyo mupati maningi uuli muli ndinywe kwiinda uuli mu nyika.” Lino, ikuti na wacebuka nkabela wapegwa mulandu, nkokuti ucili mu nyika. Pele ikuti na upona atala lya ceeco, mpawo Oyo uli muli nduwe waka kutola atala lya mudima.

Mbuli mpana, ilaatala lya mudima wa ntimba. Ilaatala lya mudima wa maanzi aa ntimba. Uli mu mumuni, katondezya bweebesi obo bwaka bikkwa muli nguwe katana kuzwa mu ntimba. Ameni.

<sup>110</sup> Lino Nda—Nda limvwa mbuli Munakristo woongolola. Eco cagal omuya kwinda kuli Leza, ku matalikilo, ya kalisungilizya munzila yayo, kuzunda. Wa ka zunda cipapa. Wa ka zunda

ntimba. Wa ka zunda meenda. Wa kazunda zintuzyonse, alimwi wakali muzundi, a kutondezya bweebesi a Bulemu bwa Leza.

<sup>111</sup> Eyo nje nzila musyomi oonse nja cita. Eyo nje nzila Nowa nja kacita. Eyo nje nzila Lota nja kacita. Eyo nje nzila. Amulange obo kunyongana mbwa kabede. Eyo nje nzila Musa nja kacita. Eyo nje nzila Joshua nja kacita. Eyo nje nzila Daniele nja kacita. Eyo nje nzila Shadraki, Misheki nja kacita. Eyo nje nzila Johane Mubapatizi nja kacita; Zakariya, Elisabeti. Eyo nje nzila Simioni, eyo nje nzila Anna, umwi aumwi wabo mbwa kacita. ba kazunda ntimba yaka bazungulukide akubikkwa muli njiyo. Kanongomeka mitwe yabo atala lya cintu, a kumweka Bulemu bwa Leza. Eco ncencico Munakristo wini nca cita.

<sup>112</sup> Amuyeeye, Jesu waka Mu tondezya nzila mbo cicitwa. Mazuba ali makumi one aa sunko, Wa kasunkwa aatala lya muntu uli oonse wakasola kusunkwa, mu sunko lya Jesu Kristo. Amulangilile. Wa ka tutondezya mbo cicitwa.

Lino Ndila jala, mu maminiti buyo masyoonto.

<sup>113</sup> Amulange. Wa ka tutondezya mbo cicitwa. Mbobuti Mbwa kacicita? Kwiinda ku Ijwi. Obo Mbwa kacicita, nkambo Wa kali Ijwi. Elyo Jesu wakati, “Ikuti na mwakkalilila muli Ndime, a Majwi Angu muli ndinywe,” mwa jokela ku Ijwi alubo, Ijwi lya cisyomezyo. Ino ndi Ijwi lya cisyomezyo ku Munakristo oonse? “Mupati maningi Oyo uuli muli ndinywe kwiinda oyo uuli mu nyika.” Mpawo mbobuti mbo Ndi zunda? Kutali ndime, pele Ijwi lili muli ndime. I Ijwi ngu Leza. Mpawo Nda zunda zintu zya inyika, nkaambo ndi Ijwi muli ndime. “Ikuti na mwakkalilila muli Ndime, Majwi Angu muli ndinywe, mpawo amulombe buyo eco nco muyanda.” Kozumanana buyo kubindaanina. Ula boola aatala, mbuli masimpe cintu cili coonse. Mwabona? We elede kusika aatala.

<sup>114</sup> Mazuba akwe ali makumi one aa sunko, kwiinda ku Ijwi lya Leza Wa kazunda. Ndi yanda kutondezya cintucimwi awa kwa maminiti masyoonto buyo. Saatani wakabamba tukamu totatwe twa nguzu zipati aali Nguwe mu sunko eelyo. Amulangilile. Lyoonse lili muli mbabo botatwe. Muta cilubi. Mwabona? Wa kacita kusaala kotatwe kupati, kuzwa kukupati maningi kuya kuli ansi maningi. Wa kasola mbwa kakonza ku Mu zunda. Pele Wa kali Ijwi. Amen. Ino Wa ka libelesya nzi? Mwini, Ijwi. Kulwana kupati kwa Saatani na kuba akaanzambwene aali Nguwe, pele Wa kaciswaana a Ijwi. Kulwana koonse, Wa kacikozya kubelsya Ijwi. Amulangilile eci eno, kuzwa kukupati maningi kuya kuli ansi maningi.

<sup>115</sup> I lutaanzi wa ka bamba kulwana kwakwe, ku belesya nguzu Zyakwe zipati. Cili, Wa kalizi kuti Wa kali Ijwi. Wa kalizi busena Bwakwe. Mula syoma na kuti Wa kacita? “Mebo nde Mwana wa muntu.” Wa kalizi busena Bwakwe. Elyo Saatani wakasika a ku Mu yanda kubelesya nguzu Zyakwe Mwini aali

Nguwe, kuti a Mu sanine, yanda kulisanizya Mwini. Wa kafwide nzala. Muntu wafwa nzala, ula konzya kutandila kucita cili coonse. Uya kubba, kufumpa, kulombelela, kulomba, cili coonse. mwabona? Wa kajis oko kuyandisya kulya. Elyo Saatani waka belesya cibelesyo cakwe citaanzi cipati ali Nguwe, kubweza nguzu Zyakwe ezyo Nzya kapegwa ku kukoma a ku zibelesya Mwini. Ta kali belesya aali Lwakwe. Peepe. Wa kali belesya aali bamwi. Mbo mbubo. Wa kali belesya aali bamwi, kutali Lwakwe. Tii cakali ca Nguwe. Nekubakuti, Na kakonzya kucicita. Na kakonzya ncobeni kucicita.

116 Pele amubone obo dyabulosi mbwa jana? I dyabulosi uyanda kuti umu bikkila maanu. Wa kayeeya buyo eco Taata nca kaamba kucita. Mbo mbubo.

Wa kati, “Baa,” Saatani wakati, “kuli lembedwe kuti, ‘Uyo lailila Baangelo . . .’”

117 Wa kati, “Iiyi, pele kuli lembedwe akwalo . . .” Mwabona? Nceeco we. Mwabona? Wa kalizi kuti Wa kalini. Saatani wakacita . . .

I Muyeeyo uleenda kusakana loko kwiinda ceeco Nco wakalemba. Mwabona? Bwalo mbunanike. I ciyandika maningi cili mukati ka Ndilyo, nywebo mwabona, obo Mbo libede ncobeni.

118 Nekubakuti Na kakonzya kucicita, Ta kacicita. Pele Ta—Ta kaswiilila ku muzeezo wa Saatani.

Lino, nceeci cintu cibotu. Mwabona? Ciindicimwi Saatani inga wakutola, elyo cindi wayeeya kuti ucita luyando lwa Leza, alimwi inga wakubamba muzeezo, uyo cengwa kuli ncico. Iiyi, munene. Ula konzya ncobeni.

119 Lino atu bweze buyo, kupa mukozyanyo, mbuli bacizi besu. Balo mbabotu. Alimwi ula konzya kukubikka ku busena, cakuti, walekela masusu aako kukomena, kota mvwisyi kuti aboneka kabotu loko kuli nduwe, alimwi, cintu citaanzi ulizi, uba kulimvwa kuba muyandisi loko, aniini kuba atala lya cintucimwi cimbi. Bamwi banu nobaalumi, mulizi eco Nye wamba. Mwabona? Elyo ula konzya kubweza cintu eco nciconya a kucisakatizya kuli ndinywe. Mbo mbubo. Mwabona. We elede kuzunda ceeco.

Amuyeeye buyo, mu ponena Leza. Muli jisi bukanze bomwe, nkabela oyo ngu Jesu Kristo. Kunze lya ceeco, kwiina cintu cimbi cijisi makani. Ngo Nguwe. Mpawo, cabili, ca mukwasyi wako. Mpawo, catatu, kuli lwako. Pele, lutaanzi, kuli Leza; utobela, ku mukwasyi wako; a utobela, nkambo ka ndinywe. Muli mweelwe watatu; ayo mamanino aa lweendo. Amulibikke lwanu kumamanino; Wa kacita.

120 Amulange eco Nca kakonzya kucita. Kati, “Nda konzya kwiita Taata Wangu, kukanana kuli Nguwe, Wa kali kunga wa

Ndi tuma malegioni ali kkumi aabili aa Baangelo.” Kakuli, umwi wabo nakonzya kunyonyoona inyika. Kati, “Ikuti na Bwami Bwangu bwakali nyika eyi, nkokuti balelwa Bangu bayo lwana. Pele Bwami Bwangu mbwa Kujulu.” Nceeco we. Mwabona? Na kakonzya kucita ceeco, pele Ta kacita. Mwabona? Nekubakuti, Na kakonzya kucicita. Taakwe naka swiilila ku muzeezo wa Saatani.

<sup>121</sup> Lino, sena mwakamvwa bantu kabaamba, “Ikuti—ikuti na mula syoma kuli—kuli sikuponya wa Buleza...Ikuti na uli sikuponya wa Buleza...Koya ukalete sikuponya wako wa Buleza. Ndi jisi muntu awa, uuciswa. Ndi yanda ku mubona kuti amu ponye.” Mwa mubona dyabulosi nguonya na? Walo usola kupa muzeezo kuli nduwe. Walo usola ku kubamba kuswiilila kuli nguwe mucibaka ca Leza. Pele mulanda wini, wini wa Leza uyo swiilila a kubona eco Taata ncaamba, lutaanzi. Mwabona?

<sup>122</sup> Mbuli muvwanda muniini muna Stadskev, cindi niba katumina awa. Elyo Muka. Stadskev wakati, “Mukwesu Branham, Nda katumina kuzwaku Germany.” Kwakali impi ina America, a imwi ya ndeke zyabo kazikkede awa ku masena akubelekela, inga candiulukila ku Germany a kujoka, mu buzuba. Wa kali mupaizi. Elyo muvwanda wakali lede, kafwide. Elyo oyo mutumbu muniini kakwiila, waa kati, “Amuswiilile!” Kati, “Ndi lizi. Nda kaima mpoonya awo a kubona mwanakazi oyo kajisi muvwanda oyo wakafwide mu maboko aakwe, oyo wakafwa cifumo eco. Nda kabona Mukwesu Branham keenda nkoonya okuya, kabikka maanza aa muvwanda oyo uufwide, nkabela waka boola ku buumi.” Kati, “Oyu muvwanda wangu, Mukwesu Branham.” Taakwe lufu lwakali mu mukwasyi wabo. Mwabona? Elyo eci cintu ciniini cacaciswa cifumo cimwi a kufwa masikati ayo.

Mpaawa boonse babo kabaimvwi koonse, a kupa zisinsime a zintu, “I muvwanda uyo buka,” a zyoonse mbuli ezyo.

<sup>123</sup> Nda kati, “Ee, eco ncibotu loko, Mucizi Stadskev. Pele andi bone eco Taata ncaamba.”

Nda kaunka ku zisaka. Elyo Nda kakomba. Ka jokela mukati; waa kaita ziindi zyobile na zyotatwe Nke tana joka cifumo cacacilila. Taakwe cintu.

I dokotela wakati, “Ncibotu.” Kati, “Ikuti na nce ncico, ikuti na ujisi lusyomo mbuli olo, mulindu, ta tuka lekelo muvwanda kuzwa mu cibbadela. Atu cileke cikkede mpoonya awa. Amu kkale mpoonya awa a ncico. Eco cili kabotu.”

Mukwesu Stadskev wakaunka kuyo bona impi mpati. Ba kati, “Masimpe. Tuyo muusya kubusena, a kumu josya.”

<sup>124</sup> Elyo mpaawo kwakali ndeke kaikkede, kailindila, kundi tola cifumo eco a kundijosya busiku obo, ku Germany, ku Heidelberg, Germany, ku bubuke bwa muvwanda oyu. Nda kati, “Masimpe,

Leza inga wacicita, pele atu bone obo luyando Lwakwe mbo lubede.”

<sup>125</sup> Mpawo Nda kazwa, kapaila masiku oonse. Taakwe cintu cakacitika. Kapiluka cifumo cakatobela; taakwe cintu cakacitika. Elyo Nda katalika mu kaanda. Mpoonya buyo Nda kalanga okuya, elyo mpaawo kwakaimvwi Mumuni oyo kaulengelela okuya ku mulyango. Kati, “Uta bikki janza lyako ali ceeco. Uta tapatili eco. Eelyo nde janza lya Leza.”

<sup>126</sup> Nda kamubikka aa fooni. Nda kati, “Mucizi Stadskev, kozikka muvwanda wako. Ndi janza lya Mwami. Nduyando lwa Leza. Cintucimwi inga cacitika ku muvwanda ulya kunselelo mu mundando. Amu cileke kuunka nkoonya oko Leza nkwazi awo mpo cibede. Inga mwaunka kuli ncico eno. Cila pona, tamu kaciti. Mwa cisiya mpoonya mbuli obo.”

<sup>127</sup> Oyo mukambausi mupati muna Lutherani mu Germany wakalemba lugwalo a kuti, “Obo Mbwe konzya kulumba, cintu, Mukwesu Branham ulindila muzeezo oyo usoolokede iwa Leza, katana kwaamba cintu cili coonse.”

Nce ncico. Jatilila ku muzeezo wa Leza. Takukwe makani eco bamwi nco baamba, na kufumbwa mbo cibede, muta gwasyi kuli Saatani, pee.

<sup>128</sup> Ikuti na Saatani waamba, “Lino, lubbizyo lwa maanzi, zina lya ‘Taata, Mwana . . .’” Ikuti eco, akwalo ulapa muzeezo, kousiya ulikke. Leza wa kaamba bumbi. Ikuti na waamba, “Uli mwaalumi mubotu, toelede kuba . . . Uli mwanakazi mubotu, toelede kucita . . .” Utapi muzeezo. Ikuti na Ijwi lyaamba cintucimwi candeeene, amukkale a Ijwi kakutakwe kulanganya obo mbo cibede. Oyo ngo mukozyanyo Jesu ngwa kapa kuli ndinywe, alimwi nceeco cibelesyo cipati, mwabona, eco nca ka Mu bamba.

<sup>129</sup> Mpawo, kusaalwa kwabili. Ndiyo bindaana. Kuboneka buyo mbuli ciindi mbo ciinka buyo kufwambaana loko. I kusaalwa kutobela kapati kwakali, waka bamab ali Nguwe Mu, kuti Kaba mweebwa.

Elyo nzila eco mbo ciuma balanda ba Leza, kuba mweebwa, kutondezya eco nco konzya kucita. “Bulemu kuli Leza! Aleluya! Ndili muvuni! Ndili *boobo*.” Mwabona? Mwabona?

<sup>130</sup> “Amuboole atala awa, atala lya tempele, a kukkala awa.” Wa ka Mu sunka ku cicita. Lino, amuyeeye, Wa kasunkwa kucicita, canguzu. Kati, “Lino, ikuti na Uyanda kuba cintucimwi kumbele lya bantu, koima awa aa tempele eli, kosotauka.” Mwabona? “Njo mupa Lugwalo lwa ncico, nkaambo kuli lembedwe, ‘Uyo pa Baangelo kulaililwa kuli Nduwe, kulesya, kufumbwa ciindi, kuli fumpula cituta ku bbwe. Uyo Ku nyamuna.’” Ku Mu bamba mweebwa, kutondezya bwami bwakwe.

<sup>131</sup> Taakwe mulanda wini wa Leza ukonzya kucita ceeco. Nywebo mwabona muntu katondezya, kaango kakwe kadukumene, a zyoonse mbuli eco, amuyeeye buyo, kuli cintu cimwi cilubide kuya. Peepe. Leza tayandi ceeco. Jesu wakabikka mukozyanyo. Na kakonzya kucicita. Na kakonzya ncobeni kucicita, pele Ta kacicita. Taakwe mulanda wa Leza ngu sikutondezya, lwakwe, kusola kubweza nguzu zya Leza a kulitondezya mwini aatala lya muntuumwi umbi.

<sup>132</sup> Mula yeeya kuti Musa wakacita ceeco? Mula ciyeeya na? Leza wakamupa nguzu zya kucita kufumbwa nca kali kuyanda; kamubamba kuba musinsimi. Wa keenda kuselemuka ku Mwaala oyo, nkabela wa kauma Mwaala ciindi cabili. Oko kwakali kulwana luyando lwa Leza.

Leza wakati, “Koamba ku Mwaala oyo. Uta uumi alubo. Yebo ulamwaya zyoonse i—zyoonse i—i cikozyanyo awa. I Mwaala uyoumwa buyo lomwe.” Pele wa kaamba bukompami bwa Ijwi cindi na kacita eco; Eco tee cakali kweelela. Inzya. I Ijwi lyakali ceeco cakali kucitika. Oyo Mwaala wakali Ijwi. Mwabona?

<sup>133</sup> Walo, ciindi citaanzi, wa kauma Mwaala nkabela meenda akayutuka. Elyo mpawo bakafwa nyota alubo. Wa kati, “Lino jokela a kukanana ku Mwaala.” Wa kaumwa biyo lomwe. Mwabona?

“Kuta kkwanisya kwa Ijwi,” Musa waka lungulula kuli ndilyo. “I Ijwi tiilya kaluleme; Wa keelede kuumwa alubo.”

<sup>134</sup> Aboobo Musa waka selemukila okuya a kuuma Mwaala mbuli oyo, kati, “Azwe!” Ta kazwa, aboobo wa kauuma alubo, a kuti, “Azwe! Nda kulailila kuti uzwe.” Elyo meenda akazwa.

<sup>135</sup> Leza wakati, “Boola okuno. Boola okuno. Wa kalilemya omwini. Wa kabweza nguzu Zyangu; mubusena bwa ku Ndi salazya, waka lisalazya lwako. Lino toinki mutala lya cisi. Langa okuya, kubona obo mbo cakali kuboneka; pele, awa, uyozwa mpoonya awa.” Oh, ma! Taakwe nokwakali umwi mbuli Musa, nywebo mulizi. Peepe, peepe.

<sup>136</sup> Cindi na kaboola kutondezya oko kuli Jesu, wa kati, “Koya kutala lya tempele awa a kusotoka kuzwa.”

<sup>137</sup> Wa kati, “Kuli lembedwe,” ameni, ““Uta sunki Mwami Leza wako.”” Mwabona? Wa kamuswaana a Ijwi, muli ceeco, a kusaala koonse kupati.

<sup>138</sup> Taakwe mulanda wini usola kulitondezya mwini, a—a nguzu zya Leza. Ula cita, ula sweekelwa mpoonya awo.

<sup>139</sup> Bulelo bupati, Saatani wakatuula ku sweekelwa bwami obu kuli Nguwe. Wa kacita. Saatani wakati, “Waabona mami aya aa inyika? Aya nga angu. Nda cita a mbabo kufumbwa cintu Nce yanda. Njo basweekelwa kuli Nduwe.”

Pele, nywebo mula yeeya, wa kali kusola ku Mu bamba ku cisweekelwa kakutakwe ciingano. Ikuti na Wa kacita, ni twa kasweeka. Na kakonzya kubweza bwami. Pele We elede kutobela i . . . We elede kujokela. Wa kasunkwa kucicita, lino. Lufu ncintu ciyumu. Wa kasunkwa kubweza bulubusi Bwakwe a kuba Mwaami wa nyika, katakwe ciingano. Pele, ikuti na Wa kacita, balelwa Bakwe niba kafwa. Saatani nakabotelwa muzeezo oyo a Nguwe. Pele Wa kati, “Koya kusule Lyangu, Saatani.” Ta kacicita pe.

<sup>140</sup> Wa kaboola a kupenga, a kubweza lweendo, lusyupa lugalankene. Wa kabweza lweendo lwa kupenzegwa. Wa kabweza lweendo lwa lufu.

Sa swebo, cifumo cino, tulibambilide kucita, kutola nzila eyo njionya Nja bweza? Sa tuli libambilide kufwa? Sa tuli libambilide kulipa lwesu kuli Leza, kusweekelwa nyika yoonse a zintu, kubelekela Nguwe? Mwabona?

<sup>141</sup> Lino, Wa kakakilwa kucicita. Kulibambila ku—ku sweekelwa, Saatani mbwakabede, kuli Nguwe. Pele Ta kacicita. Nekubakuti Jesu waka sunkwa, Wa katu zunda. Wa—Wa kagozya masunko oonse kuli ndime a kuli nduwe. Mwabona? Na kakonzya ku cibweza mpoonya awo. Pele ncinzi Nca kabweza lweendo lumbi lwa? Kutegwa inga twa boola, kuba a Nguwe. Elyo ikuti na Wa kabadelela muulo uli boobo mbuli oyo, mpawo mbuniini buti mbo tunga tii twa ubweza? Cindi, amuyeeye, kwiina cintu awa, akwalo.

<sup>142</sup> Ikuti na wapona myaka ili mwaanda, ino uyo boola kunzi? Kuyeeya, nkabela mizeezo yako yamana, ya lemana, a kucembaala a kuzungaana loko. Oko nko unka, alimwi ayo mamanino a ncico. Yebo wasika eno, kozunda cintu. Mbobuti mbo cicita? Kwiinda ku Ijwi. Eco Ijwi nco lyaamba, ula cicita. Kweenda cabubombe. Kupona kumbele lya Jesu.

<sup>143</sup> Wa kamanizya zintu zyoonse nkambo ka ndinywe a Ndime. Walo mukozyanyo wesu nzila ya kukoma nzyalani yesu mbi, mbuli Mbwa ka zunda nzyalani Yakwe mbi.

<sup>144</sup> Amuyeeye, cindi Na kasika ku nyika, kuli buyo kutasyoma kunji, na kunji, kwiinda kuli ciindi cili coonse. Tii caka Mu nyonganya aniini. Cindi nibaka Mwiita kuti dyabulosi mucibaka ca Leza, cindi nibaka Mwi ita zintuzyonse zyakali kukonzya kucitwa, tii caka Mu nyonganya aniini. Wa kajisi bukanze bomwe: “Mizeezo Taata. Kobamba Ijwi.” I Ijwi ngu Leza. Wa kajisi muzeezo omwe.

<sup>145</sup> Tula sunkwa ziindizimwi kujokela. Bunji bwanu, mula sunkwa kujokela ku kabungwe, kujokela a kukwempa, nkaambo inyika yoonse yaamba kuti, “Ino uzulilwa ku kabungwe nzi? Ino uzulilwa ku mbungano nzi?” Tula sunkwa kucita ceeco; toonse swebo tulacita. Bacizi besu bala sunkwa kujokela, kujokela a kusangana amwi mabungano, a bamwi ba Assemblisi, na

mabungano aa Leza, na bamwi babo; ucili muna Pentekoste, lekela masusu ako ageledwe, a kusama buyo kutandila nzila ili yoonse njo yanda. Mwabona? Ula sunkwa kucita ceeco, kujokela a kuba ampuwo ku nzyalani eyi mbyaabi njo tuponamo.

Cindi, eci ncibi cipati ca mazuba esu. Calo ncibi cipati akati ka bantu besu, ciimo canyika, mbuli Bbaibbele mbolya kaamba kuti Bukkalo bwa Laodi- . . . Laodikeya mbo bwa kabede. Ngwa nyika, “Uuvubide, taakwe cintu ncabulide; tazi kuti uli cinswe, ulisampaukide, mupenzi, a moofu.” Eco ncibi ca buzuba bwesu. Cindi wamvwa Ijwi Iya Leza ku liita ku lilwana, mpawo ula bweza lweendo lumbi, yebo tocikwe mpuwo ku nyika. Ula sunkwa kujokela.

<sup>146</sup> Ndi lizi. Ula zumanana kwaamba kuli ndime. Ndi lizi uli mukwaamba, “Ciindi coonse.” Ndi lizyi kuti mula katala kuli ndime neomplola a zintu ezi. Nda katala kukubona kucicita, ayebo, mbo mbubo, eci cibi Nce sola ku kwaambila. Kwaamba, “Ino uli muku lisambalila nzi?” Koima kacicita, mpawo. Ndi sola kufutula buumi bwako, ku Ijwi. Nda katala, ambebo. Aboobo, koolola buyo. Eci ncibi, ta ceelede kucitwa. Iiyi, munene.

<sup>147</sup> Tweelede kukoma zintu ezi. Tu langila kusunkwa kwinda kuli nzizyo, inyika. “Mula iyandisya nyika, zintu zya nyika, luyando lwa Leza taluli muli ndinywe,” wakaamba Jesu.

<sup>148</sup> Lino tula jala buyo, a kwaamba ceeci. Kuli bulumbu bwa muzundi.

<sup>149</sup> Andi bale cintucimwi awa kuli ndinywe. Amujule mu Mabbaiibbele anu. Atu jokele ku Ciyubunuzyo, ca 3, cipati 2. Amulangilile awa lino, zintu ezi zyoonse Nze kali kwaambaula, ku kukoma. Lino koli langa buyo lwako a kubona. Kolilingula omwini mu ciboniboni ca kumuuya, kubona ikuti na wazunda.

<sup>150</sup> Lino, mulumbe mutaanzi, kuli i—kuli angelo waku Efeso, Ndi yanda kuti muswiilile kuli ceeco Nca kaamba. Elyo Ciyubunuzyo, cipati 2, kampango ka 7. Eci ncaku bukkalo obo bwa mbungano, cindi Na ka baambila zyoonse nzo bakacita, “Kasiya luyandisyo lwabo lutaanzi.” kampango ka 7:

*Oyo walo ujisi matwi, aswiilile eco Muuya nco waambila mabungano; Kuli nguwe (muntu, kutali mbungano). . . Kuli oyo uuzunda—uuzunda Njo mupa kulya ku musamu wa buumi, uuli akati ka paradaiso ya Leza.*

Mwabona? I bazundi mu Efeso.

<sup>151</sup> Lino, citobela wakali Smurna. Lino, bazundi muli ceeco, tula swiilila kuli ceeci. Lino, kampango ka 11.

*Kuli oyo—oyo ujisi matwi, aswiilile eco Muuya nco waambila mabungano; Oyo uuzunda taka ciswi ku lufu lwabili.*

Mwabona? Ba kacizunda.



152 Lino, kuti, lino amulange ku Pergamo, tuyo ziba obo muzundi mbwa kamu janina, muli ceeci. Tuyo bala kampango ka 17, ku mbungano ya Pergamo.

*Oyo walo ujisi matwi, . . .*

Kuti, oyo mugame, kutali nkamu yoonse. I mugame, oyo ngu Nabwiinga kayutuka, nywebo mwabona, Mbungano.

*Alekwe oyo ujisi matwi, aswiilile eco Muuya nco waambila mabungano; Kuli oyo uuzunda Njo mupa kulya mana aasisidwe, alimwi njo mupa bbwe lituba, alimwi mu bbwe zina lipya lilembedwe, eelyo muntu ndyatazi cita oyo uli tambula.*

Oko nkuzunda, kwa bukkalo bwa mbungano.

153 Lino, citobela ngu Tuataira. Atu bone obo sikuzunda mbwa kajisi mu buzuba obo. Atu bweze kampango ka 26.

*Elyo oyo uuzunda, a kubamba milimo yangu ku mamanino, kuli nguwe Njo pa i nguzu ku masi: (Mbo mbubo.)*

*Elyo . . . uyo aendelezuya a musako wa butale; alimwi mbuli ii cilongo ca mubumbi mbo ziya kupwaika mu tubeela: akwalo mbuli Mbwe katambula kuli Taata.*

Mwabona, “A Nguwe, mu cuuno Cakwe cabwami.” Kristo weeledede kweendelezuya masi, a musako wa butale. Elyo njeeyi Mbungano iizunda, “Kaikkede omuya, a Nguwe, kutyola masi kubelesya musako wa butale.”

154 Lino atu batole ku mbungano ya Sardisi. Lino kampango ka 5 ka cipati ca 3.

*Oyo uuzunda, nguonya uyo samikwa zikobela zituba; alimwi Nse kamwayi zina lyakwe kuzwa mu bbuku lya buumi, pele Njo lyaamba zina lyakwe kumbele lya Taata wangu, a baangelo i basalala.*

Oko nkuzunda mu Sardisi.

155 Lino, atu bweze lino kampango ka 12. Lino, eci nca ku mbungano ya—ya Philadelphia, mu kampango ka 12.

*Oyo uuzunda Njo bamba kuba musemo mu tempele lya Leza wangu, alimwi ta kazwi limbi: elyo Njo lemba aali nguwe zina lyangu, zina lya Leza wangu, a zina lya muunzi wa Leza wangu, uuli i ngu Jerusalema mupya, uyo seleka kuzwa ku julu kuli. . . Leza: nkabela Njo lemba ali nguwe zina lyangu lipya.*

156 Amulangilile obo muzundi mbwa kasyomezegwa. Mwabona?

Lino, lino Laodikeya, obo mbukkalo bwa mbungano yamamanino. Kuyooba bazundi omuya. Amulangilile awa. Alo, amuyeeye, abumwi bukkalo bwa mbungano, bumwi busolola mbubo kabubweza zyoonse zimbi zya kapegwa kuli

amba. Amulangilile atala awa. Lino, awa, kumane kuti baka tambula inguzu ezi zyoonse, aya mazina mapya, a zintu zyoonse zilembedwe, ezyo Nzya kasyomezya, a kulya mana aasisidwe, a zyoonse mucuindi coonse. Amulangilile bukkalo obu bwamamanino bwa mbungano, Ciyubunuzyo 3:21.

*Kuli oyo uuzunda Njo pa ku kkala a ndime mu cuuno cangu cabwami, (ameni), akwalo mbuli Mbwe kazunda ambebo, a kukkala a Taata wangu mu cuuno cakwe cabwami.*

*Oyo walo ujisi kutwi, aswiilile eco Muuya nco waamba ku mabungano.*

<sup>157</sup> Kuli bulumbu bwa bazundi. Bindaanina, mpana. Ikuti na cili muli nduwe, kobikka ambali ntimba a zintuzyonse zimbi, a kuliyumya kuya aatala. Iyi, munene. “Ku kkala a Ndime aa cuuno Cangu cabwami.”

<sup>158</sup> Nywebo mulizi, ciindi cimwi, banyina Jakobo a Johane. . . Ta tu kooba a ciindi caku cibala. I banyina Jakobo a Johane bakasika a kubuzya busena obu. Nywebo mulizi obo? Amuyeeye eco? “Mwami, lekela mwana wangu kubikkwa ku lubazu lomwe, a mwana wangu umbi kakkala ali lumbi.” Kuli kuyanda kwa banyina kwa mwana wakwe.

Pele amulangilile. Pele, “Obo busena,” Jesu wakati, “bwakali kanzidwe.” Obu busena tiibwakaliko ku ciindi eco. Nkaambonzi? Amubone. “Ciyu pegwa kuli mbabo eco nco cakali kwaamba.” Inzi? I umwi wakakkala ku janza lyalulyo, a umbi wakali muni loko kuli Nguwe, wakacili muzundi. Mwabona? Ca kacili. . . Wa kati, “Ta—Ta ndipi ceeci. Nse konzyi kupa ceeci, pele ciyo pegwa sunko lyaboola.” Ameni. Mwabona? “Nse konzyi kupa ceeci. Pele sunko lyamana kusika, bayo kkala ku janza lyalulyo a lya lumwensi. Kuli mbuto yakakanzwa kailindila kulaale kuli ceeco. Ciya kupegwa kuli baabo baka syomezegwa ncico. Ciyu pegwa okuya, pele musunko tauna sika; kuti, tana zunda pe.” Mwabona?

<sup>159</sup> Muntu wa keelede kubweza obu busena ku lubazu lumbi, alimwi umwi umbi ku bubweza ku lubazu lumbi, muni lyakwe mu Bwami, ti cakalina pegwa, mwabona, teeba kalina zunda. I musunko tauna kuwa pe. “Uyo wida mu ciindi ciza.”

“Ikuti na twa pengela Kristo a Ijwi Lyakwe, tuyo lela a Nguwe, nkambo Walo ndi Ijwi.” Amuyeeye, “Ikuti na twa Mu pengela a Ijwi Lyakwe, tuyo lela a Nguwe, mu Ijwi Lyakwe.”

<sup>160</sup> Amubone. Walo, Mukozyanyo wesu, wakazunda, elyo mpawo wakatanta kujulu, Na kamana kuzunda lufu, gehena, malwazi, cuumbwe. Zintuzyonse, Wa kazunda. “Mpawo Wa katanta kujulu, a kusololela baange kwa bwaange, kupa zipego ku bantu.” Eco cakali Cizuminano Cakale, a basalali ba Cizuminano Cakale abo baka zunda. Ba kalangila Muntu uli boobo, nkabela bakafwa Ka tanninga kusika okuya. Pele cindi

oyu Muntu nakasika, “Tii wakabakasya abo bakali koono.” Amen. Konzyi kusweekelwa, kufumbwa nzila. Kupona na kufwa, ino cibamba lwandaano nzi? “Ta lukakasyi.” Mwabona? Ba kalangila ceeco.

<sup>161</sup> Awalo Jobu kaindi okuya, wa ka ulangila. Wa kati, “Ndi lizyi Munununi wangu ula pona, alimwi ku mazuba akumamanino Uyo imikila aa nyika.” Kwakali muntu uululeme, muntu uulondokede. Wa katuula cituuzyo. Wa kacita zintu zyoonse ezyo Leza nzya kamwaambila kucita. Wa kacicita a lulemeko a bulemu. Wa kali musinsimi. Elyo mpawo Saatani wakasika koonse, ku musunka. (Mbuli buyo mbwa boola ku kusunka.) Ino wa kacita nzi? Wa kazumanana kwiima awo.

Mukaintu wakwe akwalo wakazwa, kati, “Nkaambonzi to singanyi Leza a kufwa ku lufu? Yebo uboneka kusampuka maningi awo.”

<sup>162</sup> Wa kati, “Yebo waamba mbuli mwanakazi mufuba.” Lino, ta kaamba kuti waa kali mufubafuba, pele waa kali kwaambaula mbuli umwi. Mwabona? Kati, “Yebo waambaula mbuli mwanakazi mufubafuba.” Kati, “I Mwami wakapa, nkabela Mwami wakanyanza; lilelekwe Zina lya Mwami.” Wa koma.

<sup>163</sup> Wa kazunda eco basimukobo ncoba keelede kwaamba. Wa kazunda eco mamembala onse ambungano, Bildadi aboonse babo, noba kaamba. Wa kazunda bbishopo a ceeco nca keelede kwaamba. Wa ka zunda kardinolo aceeco nca keelede kwaamba. Wa kazunda kabungwe, eco nco bakeelede kwaamba. Elyo wa kakkala a kululamikwa kwa Ijwi. Amen. Nekubaboobo, cakamutolela zintuzyonse nzya kajisi, nobaba bana bakwe. Wa kapala zyuute kubelesya lukaye kakkede ali ceeci, elyo nekubaboobo wa kazunda. Elyo cindi oora pati lya sunko nilya kazwidilila kumalekelo, mpawo makumbi aka kunkulisigwa kujoka.

<sup>164</sup> Wa kalanga cintu coonse ciboneka kabotu. Wa kati, “Kuli bulangizi mu cisamu ikuti na bwafwa; bula pona alimwi. Elyo mbuto ila wida mu bulongo, ilabola; ila pona alimwi. Pele muntu ulaona a kufwa; ula zimaana. Elyo bana bakwe bakasika, bana bakwe, ku lulemeko a koomoka kuli nguwe; wa kamuziba. Ta ciponi limbi. Oh, ngooyo mbwa bede. Ndipenzi nzi? Ndili lunyungu, ambebo. Ndili cintucimwi, kuti ni mbuto, nkabela Njo unka aans. Nse konzyi kubuka limbi. Njo lala awo. Oh, ndisise mu cuumbwe, ndibambe mu busena busisidwe kusikila bukali Bwako bukainde. Ndisalile ciindi a kundibeteka. Mbuli myaala mboi kulumpana, maanzi apa kukulumpana ku bbw.” Oh, wa kazumanana, kaamba zintu ezi zyoonse. Wa kali kukonzya kubona mikozyanyo yoonse kumasena kuya, obo mbo cakabede. Oh, ta kali kukonzya kucibona buyo.

165 Elyo, Mucizi Rogers, amuyeeye cindi Ne kakambauka eelyo ku dilwe lya Busty. Mwabona?

166 Buti, kuti, “Wa kali kunyankuta bbwe,” obo zintu ezi. “Oh, O Yebo, kondisisa mu cuumbwe, a kundi bamba mu busena busisidwe.” Wa kazumanana kubindaanina. Wa kati, “Nda lombozya ni Nda kalizi. Nda lombozya ni Nda kalizi awo Mpe konzya kuunka, ku Muntu wakali kukonzya kubikka maanza Akwe ali ndime, muntu sizibi, a Leza uusalala, a kwaambaula kuli Nguwe nkambo ka ndime.” Oh, ma! “Nkwali Okuya. Ndi lizi Nkwali Okuya. Kuli Umwi Okuya ukonzya kucita ceeco. Kuli Muntu umwi kubusena bumwi. Nkokuli Nkwe konzya kujana Muntu oyo? Nkokuli Nkwe konzya kujana? Njo konkomona aa mulyango Wakwe a kwaambaula kuli Nguwe. Ikuti na Muntuumwi wakonzya biyo kubikka janza Lyakwe ali ndime, alimwi ali Leza, a—a cizabukilo nzila kuli ndime, kwaambaula! Ikuti na Nda konzya buyo kujana Muntu oyo! Oh, ino Ula ali?”

167 Wa kalingaula kwiinda mu mbungano yakwe. Wa kalingula kwiinda mu kabunga kakwe. Ta kali kukonzya kujana Muntu uli boobo.

168 Elyo mpoonya buyo, makumbi aka kunkulisigwa kujoka, nkabela wa kabona Muntu oyo kaboola. Oh! Moyo wakwe wakaindi wakaduntaanina lutangalo. Mpawo cintucimwi cakacitika. “Ndi lizi Munununi wangu ula pona. Ngooyo Muntu uli boobo.” Ameni. Ucili Muntu uli boobo. “Ndi lizi Munununi wangu ula pona. Elyo nekubakuti, tuuka twa lukanda twa nyonyoona mubili oyu, nekubaboobo mu mubili wangu Njo bona Leza, Oyo Ngweyo bona lwangu. Uyo ima aa nyika mu buzuba bwa mamanino.”

169 Aa cifumo eco ca Pasika, cindi Na kabuka kulaale, alimwi mubili wa Jobu buyo mbuli itwe muli conco, wa kali kulindila. Wa kali Nkamu eyo yakasalwa. Wa kabuka kuzwa ku cuumbwe a kunjila mu muunzi, a Abrahamu, Izaka, Jakobo, Jobu. Oh, ma! Ameni. Nkambo, ba kalangila Muntu uli boobo.

170 “Elyo kuli baabo Bayandaula Kristo ciindi cabili,” abo bakonzya kuzunda zintu zya inyika eyi, ku luzyalo Lwakwe, kuboola muli Nguwe, a kujala meso anu ku cintu cili coonse cimbi pele Walo a Ijwi Lyakwe, “Uyo libonya ciindi cabili mu Bulemu.”

“Nkambo mweembo wa Leza uyo lila, bafwide muli Kristo bayo buka; abo baumi a basyeede bayo cincwa, mu kaindi kaniini, mu kulaba kwa liso, kuya kukwempwa antoomwe, kuyo Mu swaana mu mulengalenga.”

171 Naa Ndili itwe lizula muli conco, na Ndili mukupona cindi A boola, ta cikwe makani lwaandano. Ameni. Tacikwe makani, nkaambo Nda kajata cilengaano. I cisitilizyo caka vumbuluka kujoka, nkabela Nda Mu bona. Umwi wakali kukonzya kwiima,

a kubikka janza Lyakwe ali ndime, muntu sizibi, alimwi aa Leza uusalala. Elyo Walo mulungo wangu. Walo ndi Ijwi Nde iminina. “Ku matalikilo kwakali Ijwi.” Walo ndi Ijwi eelyo, alimwi Ula ndiiminina, Okuya. Ameni. Elyo Njo ompolola, kufumbwa kuti Nke jisi kuyoya, “Walo Mbubuke bwangu a Buumi bwangu.” Elyo masena oonse aambi ngu musenga uubvila. Masena oonse aambi ngu musenga uubvila.

172 Mbuli Mbwa kaba jata abo bakalangila ceeco, aboobo Uyo boola ku musalali aumwi wa Cizuminano Cipy a oyo uuzunda sikukazy a oonse wakabungwe, oyo wakasola kukoma zibi zyoonse zyampuwo zya buzuba buno, zya bukkalo obu mbo tuponamo lino, mbuli Mbwa kacita mu makkalo oonse ambi aa mbungano, abo bakazunda mu bukkalo obo bwa mbungano. Abo bazunda nzi? “Ndili vubide. Nse bulide cintu. Ndi jisi. . . Oh, Ndili conse *eci* a conse *eci*. Elyo Ndime Nabwiinga. Ndili *obu*. Nse jisi cintu.’ Elyo tozyi kuti uli cinswe, moofu.”

173 Mwabona bukkalo obo bwa lucengo Mbwe kaamba? Takuli mbuli mbabo baka gonkwa mitwe yabo, kaindi okuya, ku kujana bbwe lituba; kutala abo bakafwida kungsi lya kujailwa buzumini, alimwi kuumpwa ku zijailo, a zintu mbuli ezyo; abo bakasama misiyini. Pele mboobu bukkala bucenga eno, obo buyeeya kuti bujisi zyoonse. “Ee, Ndili cizo ca mbungano. Ndili muntu mubotu. Ndili mwanakazi mubotu. Nda cita *eci*. Ta ndeedede kucita *Eci*.”

174 “Pele oyo uuzunda,” oyo uuzunda zintu zyoonse ezyo zyanyika zya bukkalo obu, ino bayo cita nzi? Boonse bayo kkala a Nguwe mu cuuno Cakwe cabwami; bayo njila mu Kukwempwa cindi Aku boola. Oh, ma! Ino Ndi bikkila nzi, kai? Ino tweelede ku bikkila nzi maanu kuli ceeco inyika nco yaamba? Ino tweelede ku bikkila nzi maanu kuli umwi umbi ncaamba? I Muuya Uusalala mupati uli akati kesu. Musumpululu wa Mulilo wakwe ula tusololela a ku tweenzya. Ijwi Lyakwe lya simpikizigwa kumbele lyesu. Luyandisyo lwakwe luli mu moyo wesu. I inyika ili kusule. Twa kazwa ku lufu kuya ku Buumi. I inyika ilayeeya kuti ulinyongene.

Pele Jesu weelede kuyumuna ciingano *eci*  
alikke,  
Elyo inyika yoonse kiyenda cakwaanguluka?  
Kuli ciingano ca bantu boonse,  
Elyo kuli ciingano cangu.

175 Myaka ili makumi otatwe ayotatwe mu muunda, nkabela ciingano *eci* cakasalazigwa Njo bweza kusikila lufu luka ndaangulule.

176 Lekela bakwesu bangu ba ndikaka, kwaamba kufumbwa nco bayanda, eco candikaka. Pele aa Ijwi *eli* Nda ima, alimwi Eli lilikke.

Eci ciingano cakasalazigwa Ndiyo yumuna,  
Kusikila lufu luka ndaangulule,  
Elyo mpawo kuya ku Muunzi, mu  
Kukwempwa, kuyo sama musyini.

<sup>177</sup> Nce ncico toonse nco tuyanda, embo na? Nce ncico nco tu yanda. Obo mbo—mbo bulangizi bwesu a kukombezezya. Taakwe miyeeyo imbi njo tujisi, pele eyo imwi ali Jesu Kristo. Elyo aa bululami Bwakwe tula ima, alikke, a bululami Bwakwe mu Ijwi Lyakwe. “Elyo Ijwi lyakaba mu mubili wabantu a kukkala akati kesu.” Elyo Ijwi lici litondezya Lini.

<sup>178</sup> Kuzunda buti? Kwiinda ku kubweza Ijwi, cisyomezyo, mu bubombe, kweenda cabubombe.

Eci ciingano cakasalazigwa Ndiyo yumuna,  
Kusikila lufu luka ndaangulule,  
Mpawo kuya ku muunzi, kuyo sama musyini.

<sup>179</sup> Nkambo, “Cindi Mweembo oyo walila!” Inga mwandizikka mu lwizi, pele Mweembo uyo ndisinsimuna. Ncibotu. Ndiya ku Muunzi, buzuba bumwi. Ameni. Kusikila mpawo, Ndiyo pengaana, ameni, kubweza ciingano eci; kubamba meso angu kutali aa bantu, pele aa Kalivari kulaale, nkambo Wa kali mukozyanyo wangu. Wa katondezya nzila ya kucicita. Elyo mukozyanyo Wakwe, tuyo citobela kabotu, buzuba a buzuba.

Ndi tobela Jesu ntaamo aimwi ya nzila.  
Ndi tobela Jesu ntaamo aimwi ya nzila.

<sup>180</sup> Sena mula ciyanda eco? Oh, obo Mbwe yeeya, ku Mu tobela, buzuba a buzuba, ntaamo aimwi ya nzila.

Atu kombe.

<sup>181</sup> Mwami Jesu, oora a maminiti ali kkumi aosanwe lino, nkeimvwi awa, kusola kubweza Ijwi Lyako a kupandulula ku bantu nzila ya kukoma. Wa ka twaambila nzila mbo cicitwa. To ka twaambila buyo, pele Wa katondezya nzila mbo cakacitwa. Wa ka tusololela. Wa ka tutondezya nzila ya kucicita: tambula Ijwi mukati kesu, a kuba masimpe kujatilila ku Ijwi eelyo, “Kuli lembedwe,” mu sunko lyoonse; pele koba mubombe, kweenda cabubombe. Mpawo twa kazunda, kwiinda muli Nduwe, kwiinda mu nguzu Zyako ezyo zyakazunda kale sinkondo wesu. Elyo cintu buyo nco tweelede kucita nku—nku kweenda buyo cabubombe a lusyomo, kusyoma Ceeco, a zibi zyesu zya cizibyho ca Muuya Uusalala, nkabela Saatani weelede kweenda.

<sup>182</sup> Kuli tutambala tubikkidwe awa. Tu iminina bantu baciswa. Tuli bulide, Mwami. Elyo ba kabala mu Ijwi eli litakakilwi oko nkoba kagwisya kuzwa ku mubili wa Musalali Paulo tutambala a tusila. Ba kabikkwa aa bantu baciswa. Myuuya mibi yakazwa kuli mbabo, a maleele mapati akacitwa. Lino, Nduwe Mwami Jesu nguwenya sunu.

<sup>183</sup> Paulo waka kambauka Ijwi eli, a kulemba Ijwi eli, Ijwi ndilyonya eelyo ndyo tusola kutobela. Nkaambo, wa kabweza Cizuminano Cakale a kucikozyanisia, a kutondezya kuti cakali cikozyanyo, kuti coonse Cizuminano Cakale cakali cikozyanyo cilondokede ca Cipyā. O Mwami, akube kuti tu tobele mukozyanyo oyo.

<sup>184</sup> Tula bona Mwami wesu, eco Nca kacita. Elyo tula mvwisya kuti, abo basalali ba Cizuminano Cakale, cifumo cino, tu jana kuti bakaunka. Cindi Jesu nakabuka, ba kaunka a Nguwe. Elyo, Mwami, tula syoma kuti tuyo unka cindi Aku lizya Mweembo. Tula cisyoma, kuti Nabwiinga uyo unka ku Buzuba obo alimwi uyosangana a i—i nkamu ya Cihebrayo ya Ncico, alimwi, antoomwe, kuyooba Cilalilo ca Mucado mu Bulemu. Abo balindila.

Twa komba lino luse a luzyalo Lwako ali ndiswe. Bazundi, Mwami, bazundi, tu yandisya kuba obo. Ko tuzunda. Mwami Jesu, Wa kazunda inyika. Lino Nda komba kuti Uyo lekela bantu boonse okuno, cifumo cino, “Bikka zibi zyonse ambali, kubikka ambali zitucelezya kapati zitunamatila kapati, kuti tu zuze muzunda alukakatilo lubikkidwe kumbele lyesu.”

<sup>185</sup> Paulo wakaamba eci, Taata wesu Wakujulu, okuya mu Bbuku lya ba Hebrayo, kuti, “Twe elede kubikka ambali zitucelezya zyoonse,” eco cipati 12, eco nca kaamba ceci, nakamana kutondezya kale kwiinda ku mukozyanyo, kaindi okuya: abo bata kazumanana; abo bata kazumanana; abo bakasaala bakaccilila; abo bakaccilila kunembo; abo bakazyokota zyokota kusule. Boonse, wa katondezya mikozyanyo. Mpawo wa kanyona a kuti, “Atu bikke ambali zitucelezya zyoonse, cintu ciniini coonse citu nyonganya, kuti tu zuze muzundano a lukakatilo oyo ubikkidwe kumbele lyesu; kulanga kuli Nguwe, Mukamwini a Sikulomya wa Lusyomo lwesu, Oyo waka tupa mukozyanyo.” Tula cita eco cifumo cino, Taata.

<sup>186</sup> Lino, a mitwe yesu kiikoteme, lino amulingule kabotu loko, kabotu loko. Elyo, mpawo, amube basinizizye ncobeni. Ci buyo—ci tola buyo. . . Nkukoonse nko citola: cceki lyako a kusinizya kwanu. Amu cenjele kapati mbuli mbo mulangalanga lino. “Kondi lingula, Mwami. Kondi soleka. Sa kuli bubi muli ndime? Ikuti na kuli, Mwami, andi cibambe, mpoonya awa lino. Obu busena, awo Mpe koteme, cipaililo Cako. Nda cilazika ansi, mpoonya awa lino, bikka matende angu ali ncico. Cindi Nda zwa, ciyo lala awo. I nguzu zya Bulowa Bwako ziyo cinyonyoona. Ndi yanda kuba sikuzunda. Ndi jisi cintucimwi eco cindipenzya, Mwami. Ndi yanda kukoma, cifumo cino. Nda konzya, kwiinda kuli Nduwe. Nda kaambilwa obo, kwiinda ku Ijwi Lyako. Nda cilazika ansi lino, Mwami, elyo Nda bikka matende angu ali ncico. Mbuli Mbwe zwa mu buyake obu cifumo cino, kuunka, kuziba kuti bwa bikkwa mu i—i cidishi ca musamu

uusalazya wa Leza. Ta cika yeeyegwi limbi. Ndiyo caamba lino a kulomba luse.”

<sup>187</sup> A mitwe yesu kiikoteme, meso esu kajalide; myoyo yesu kaiyeeya, eco ncitendele ku buntu, nywebo mulizi. Sa kuli cintucimwi nco yanda kubikka ambali cifumo cino, cintucimwi nco yanda kukoma? Elyo wa kacisola canguzu loko, pele, cifumo cino, uyo leka buyo kusoleka. Uyo zumina buyo eco Nca kacita. Ndi yanda kuti utambike buyo janza lyako, kwaamba, “Mwami, Ndi yanda kukoma. Ii cintu cimwi cindipenzya.”

<sup>188</sup> Mwami Jesu, Ula bona maanza ayo. Lino, mbuli mulanda Wako, mbwaima akati ka baumi a bafu, Nda tapatila zintuzyonse zipenzya bantu aba a lwangu. Elyo Nda cilomba mu Zina Iya Jesu Kristo, inga twa cisiya ka cikkede awa aa cipaililo ca Leza, a kuzwa cifumo cino, kwaanguluka, mbuli bazundi.

<sup>189</sup> Ikuti na bacizi besu tiiba kajisi luzyalo, akube kuti lupegwe lino, Mwami. Ikuti na bakwesu besu taba jisi luzyalo, akube kuti lupegwe lino. Elyo akube kuti, mu bubombe, mutumbu a bana bakwe, mubusena bwa kuba sikamikami. Uli zyi kuti uli kkede. . . Walo mukambausi ku bana baniini. Buumi bwakwe mukozyanyo. Bataata mukozyanyo kuli baama, nkambo ngo mutwe wa ng’anda. I banyina bakali kusola ku mweenzya koonse; ta kaciciti limbi. Ikuti na wali ku mubelesya kuba maati yaa cibuye, ta cika citwi limbi. Ngu mugwasyi. Ko cipa, Mwami. Akube kuti zintu ezi zyoonse zitu sinkila, Mwami, zigwisigwe.

<sup>190</sup> Tu—tu li mukulisalazya tobeni, Taata, ku ciindi ca buumi nco tujisi kumbele lyesu, mukuziba ceeci, kuti tweeleda kusika ku magolelo ancico, alimwi obo cakufwambaana. Aboobo, cifumo cino, tu bweze ciindi eci ceelede, kwamana Mulumbe oyu. Tu tola ciindi ceelede, Mwami, kuboola, nkaambo twa kali sikulailila kuboola. “Amusowe makataazyo aanu aali Nguwe, nkambo Uu la ku cebuka yebo.” Ndi lizi Yebo ulabikkila maanu, Mwami. Yebo ulabikkila maanu loko kufwida ndiswe. Elyo tula konzya ncobeni kumamela kwini kuboola a kuzumina eco Nco kafwida.

<sup>191</sup> Kotu salazya, Mwami. Kotuzuzya cabupya a Muuya Uusalala. Akube kuti Muuya Uusalala uye buyo mu myoyo yesu, cabupati, kuti tu keende, kuluba zintu zya kaina, buloko a ntimba isakene motwakali kukkala ciindi cimwi. Tuyo bindaanina ku mbaakani ya lwiito lwaatala, oko Mimuni yesu nkoikonzya kumweka mu bubotu a bubombe, kusikila onse simweenda nzila wakonzya kuti, “Kuli Munakristo ukkala alya atala Iya cilundu. Oyo muntu, oyo mwanakazi, ulya mwaalumi, ndi lubaluba Iya Leza lini lyakasalazigwa. Mbabotu a basibuuya loko, lyoonse batondezya luyando a bubotu, a kumvwisyi.” Ko cipa, Taata. Atube munyo, kutegwa nyika ikonzye nyota; ko cipa, Taata; a kukoma zintu zya inyika eyi, a mapakasyo aa buumi obu. Mu Zina Iya Jesu Kristo. Amen.



Nda konzya . . .

Lino atu tambike buyo maanza esu.

. . . Mufutuli . . .

Kwiita nzi? “Kotanta, kuzwa mu ntimba.” Ii Buumi busumpukide kapati; Cintucimwi cili muli nduwe, cikukwelela mu nzila eyo. Ino ncinzi? Ngo Nguwe. Kungsi lya ntimba, malubaluba maniini; ujisi Buumi omuya, bula kusikila kuli nduwe. Eco nce cimuita, “Amuzwe, mu ntimba.”

“ . . . tobela, tobela . . . ”

192 Lino, sena muli cisinizizye? Lino amujale meso anu.

Oko Nkwa ndisololela Ndiyo tobela,

Lino kolipa lwako. Kocikanza ceeco, lino.

Oko Nkwa ndisololela Ndiyo tobela,

Oko Nkwa ndisololela Ndiyo tobela,

Njo unka a Nguwe, a Nguwe, lweendo loonse.

Oko Nkwa ndisololela Ndi . . .

Cabubotu buyo lino. Amuyeeye, koli bikka alya.

. . . Nkwa sololela . . .

“Ndiyo ci bikka awa, Mwami. Ndiyo Ku tobela, kuzwida lino. Nda Ci tambula. Nda Ci syoma.”

Oko Nkwa sololela . . .

Amuyeeye, buumi bwako buyopa bumboni kwiinda mulomo wako. Eco nco pona ciyo tondezya ku bantu kwiinda eco nco wamba.

Kuya a Nguwe, a Nguwe, (Lweendo . . . Kuli?)  
lweendo loonse.

193 Kolisalazya buyo lwako, mukusakana, cakusinizya, moyo wako oonse. Ino kuti eci cakali ciindi camamanino no kasola kuzumizigwa kukomba? Inga caba. Nse langili. Inga caba. Mpawo, amube masimpe lino, masimpe ncobeni, masimpe ncobeni. Amuyeeye, mulyango uyo jala, buzuba bumwi, mpawo koonse kwamana. “Amulombe, muyo tambula.”

194 Amuyeeye buyo bulemu boonse obo Mbwa katuula kuli ndinywe, zintu zyoonse ezyo Nzya kacita. “Nda syoma, Mwami. Nda syoma. Nda syoma kuti Nduwe sikuzunda wangu. Nde enda buyo a Nduwe, Mwami. Ndi yanda kukkala mumsi Lyako, kuti awo Mpo bede, Ndi yanda kuba.”

195 Elyo amuyeeye, Wa ka twaambila, Taata, kuti, “Tuyo oba a Mwami kwalyonse, cindi twa kukwempwa.” Tu jisi buyo i—i kulangalanga Kwakwe lino, mbuli Mbwa enda andiswe lino. Pele mpawo tuyo . . . Ino ncintu cipati mbocibede, kuziba buyo kuti Uli akati kesu—kesu! Ino ciyooba buti cindi twa nooli a Nguwe kwalyoonse? Tula ziyanda loko ncito zyesu zyoonse: inga twa unka kwatweenzya; inga twa unka kuyo ula zintu mu zintoole;


inga twa unka kuyo vwima, kuzela nswi, na kufumbwa mbo tukonzya kucita mu misaalo. Pele, oh, cindi mbungano yajuka, tu yanda kuyo swaana Mwami wesu. Eco ncepati maningi ca zintu zyoonse. Mpawo, amuyeeye, Wa ka tusyomezya. “Elyo kwalyonse nkuba a Mwami. Kkala a Nguwe mu cuuno Cakwe cabwami, akuba a Nguwe kwalyoonse.” O Leza, twa cabubombe, a—a mitwe iikoteme, twa ci tambula, Mwami, mu Zina lya Jesu Kristo.

<sup>196</sup> Sena mulimvwa kuti inga mwasiya buyo, lino, zintuzyonse, mukuli oonse? Inga weenda buyo atala, atala ali ncico lino? Ikuti na wacita, tambika janza lyako, kwaamba, “Ku luzyalo lwa Leza Nda bikka sukusyo eli ansi. Nse ka li lwani, limbi. Ndiyo bweza buyo janza Lyakwe, kotalika kweenda.”

“Nda kalwana, Mukwesu Branham. Nda kasola kuleka kufweba. Nda—Nda kasola kulekela masusu angu kulampa. Nda sola kucita *ceeci*. Nda kacita. . . Nda kasoleka, canguzu loko, Mukwesu Branham. Nse konzyi buya kucicita.”

Uta soli, limbi. Kobweza buyo janza Lyakwe, kwaamba, “Taata, Wa bikka janza lyangu mu kwaanza.” Mwabona? “Ndiyo kupa buyo janza lyangu. Ndiyo enda, Mwami, kulanga kuli Nduwe.” Ciyu citika. Uyo kusamika mbuli Munakristo wini. Uyo oba Munakristo wini.

<sup>197</sup> Kusikila Nda kubona, sunumasiku, Leza ula kuyanda a kuba a ndinywe. Muli bana bangu ba Makanimabotu. Muli cintu cakaulwa.

Lino Nda pa mweembezi wanu, kusule kuli ndinywe, ku kumwaisya, Mukwesu Neville. . . ? . . . 

*MBOBUTI MBWE KONZYA KUZUNDA?* TNG63-0825M

(How Can I Overcome?)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Iwivwi 25, 1963, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakatagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)